



WANTOK

Niuspepa Bilong Yumi Ol PNG Stret!

Namba 1845

Wan Wik, Desemba 17 - 23 2009

K1 tasol long olgeta hap

Gutpela Belo Kaikai



Polye laik kisim bek ministri

Paul Zuvani
i raitim



WIN TRU: Don Polye (lep han) i kam aut long Jackson ples balus we ol sapota i wet long bungim em.
Poto: Paul Zuvani

DON Polye, Mema ilekt bilong Kandep Bai Ileksen long Enga Provins, i tok em laik kisim bek ol ministri bilong en.

Dispela ol Ministri em Trensport, Woks na Sivil Eviesen.

Nau yet Woks i stap aninit long lukaut bilong Praisim Minista Se Michael Somare, na Trensport na Sivil Eviesen i stap aninit long lukaut bilong Charles Abel.

Tasol Mista Polye yet i tok dispela disisen i stap long han bilong Se Michael.

Em i tok win bilong en i gutpela tu long wanem dispela i kamap long taim gavman i tok orait long kamap bilong tupela Likwifait Netseral Ges (LNG) projek.

Em i tok wantaim dispela tupela projek kantri bai lukim bikpela mani.

Tasol i tok traime nau i stap long han bilong gavman long yusim gutpela dispela mani bai i ken helpim gut sindaun bilong ol manmeri long ples.

Em i mekim dispela tok bihain long em lusim Goroka, Isten Hailans Provins we kaunim i bin kamap long em na kamap long Jackson Ples Balus long 12:25 pm we planti ol sapota bilong em na Nesenel Alaiens Pati i kamap na welkamim em.

Em i go stret na bungim ol niusman long opis bilong Pati na autim tingting bilong en.

Moa stori long pes 3

Toktok wantaim 11 toea Olgeta De na Olgeta nait!

Peim 4-pela mak aninit long nomol reit wantaim Digicel!



Ringim ol poroman bilong yu long Digicel o long ol lenlain na toktok wan minit long nomol reit, na bihain long en, bai yu peim tasol 11 toea long wan wan minit.

Digicel

Bikpela, Strinpele moa Network Bilong PNG.

Digicel Tems na Kondisen i stap.



Mosbi muvi nait pulim planti

NUPELA rot bilong Nesenel Kapitel Distrik (NCD) Gavana Powes Parkop i kamapim long pulim ol manmeri i kamaut long nait long Mosbi i wok long amamasim planti manmeri long siti.

Dispela em ol muvi nait we Mista Parkop i kamapim long poromanim sanap bilong ol kris-mas lait long Godens.

Las wik Fraide i lukim ol nupela krismas lait i kamap, na namba wan muvi nait i go het.

Planti manmeri tru long siti i bin bung long Unagi

oval long lukim ol muvi piksa stat long 7 kilok i go inap long biknait.

I nogat hevi o trabel i kamap, na planti manmeri i kisim ol famili bilong ol i go aut long lukim ol muvi piksa.

Bihain long em i pinis, olgeta manmeri i wok-about isi isi go bek long haus bilong ol.

Dispela em i wanpela rot insait long progrem bilong Mista Parkop na NCD long opim bek nait laip long Mosbi.

Mista Parkop i hatwok tru long mekim Mosbi i kamap gutpela ples gen

bilong ol famili na manmeri long wokabaut raun long nait.

Bihain long em i bin kamap Gavana bilong NCD, em i bin go het long stailim gut ol rot na ples bilong malolo bilong ol manmeri long siti.

Na long makim Kris-mas long las yia, em i bin sanapim ol namba wan krismas lait long 5mail.

Nau em i mekim gen na kisim moa lait i kam, na long poromanim, ol i sanapim ol bikpela skrin tru na soim ol muvi piksa long amamasim ol manmeri.



AMAMAS LONG NAIT: Ol yangpela mangi i no isi long bung na lukim ol muvi piksa long nait long Mosbi siti.



LAIT BILONG KRISMAS: NCD Gavana Powes Parkop na Deputi Siti Menesa Honk Kiap i sanap wantaim wanpela long ol krismas lait i raunim ples bilong ol manmeri long sindaun na lukim muvi piksa.



STAIL MOA: Dispela tupela man i wok sanap mangalim wanpela krismas lait i lukim olsem ol plaua bilong ples drai, taim Wantok Niuspepa i bungim ol.

Ol setelmen long taun mas gat paip wara: WHO

WOL Helt Ogenaisesen (WHO) i tok i mas i gat moa woki kamap long strongim gutpela wara i go insait long ol setelmen eria i stap klostu long taun.

Dispela em bikos wara na rot em i save bihainim i go insait long ol setelmen em i namba wan rot we sik kolera i wok long bihainim na kamap.

Moa long foapela mun i lus pinis bihain long sik kolera i bin kamap namba wan taim, na em i stap yet insait long Morobe, Madang na Is Sepik.

Planti long ol ples we sik kolera i stap long en i nogat gutpela helti pasin i stap na i nogat gutpela ples toilet i stap.

Planti famili i nogat toilet na sampela taim ol ples toilet bilong ol i stap klostu long wara ol i save yusim long dring.

Pasin bilong wasim gut han bi-

hain long ol i yusim toilet i no stap tu.

Dokta Eigil Sorensen, man i go pas long WHO opis long PNG i tok namba wan rot sik kolera i wok long bihainim em wara yet.

Dokta Sorensen i tok ol pipel i mas gat gutpela rot bilong kisim seif wara. Dispela i min wara i gat klorin marasin i stap long en, wankain olsem wara i save go long ol manmeri i stap insait long ol taun eria.

"Mi no ting mipela i ken stopim kolera long ol taun ples sapos i nogat moa wok i kamap long pulim paip wara i go insait long ol setelmen long ol ples olsem Lae," Dokta Sorensen i tok.

Nesenel dipatmen bilong Helt na ol Provinsel Tas Fos Grup, wantaim helpim i kam long sivil sosaiti na ol intanesenel ogenaisesen i lukim groa bilong kolera i stap daun wantaim wok ol i mekim.

WHO i givim tingting bilong em

olsem kolera i ken stap olgeta long PNG sapos i nogat wok i go het long lukluk long banisim gut kantri long nau i go long taim bihain, na long givim gutpela seif wara na helti pasin i go insait long komyuniti.

Ol i tok maski ol i wok givim ol marasin bilong klinim wara insait long ol ples we kolera i kamap long en, em i banis bilong sotpela taim tasol.

Em i no inap long banisim ol arapela ples we kolera i ken kamap long en.

Olsem taim em i kamap long Lae na Madang, kolera nau i stap strong pinis long ol setelmen eria i stap klostu long ol dispela taun.

Ol dispela ples em ol i nogat gutpela wara saplai na toilet samting.

Rot bilong banisim ol dispela ples na daunim bruk bilong sik kolera long ol arapela ples em long givim gutpela wara long ol dispela ples.

OXFORD, TOK PISIN INGLIS DIKSENERI

Katim, na pulimapim oda fom daunbilo na salim i kam long Wantok Niuspepa sapos yu laik baim dispela Oxford Papua Niugini Dikseneri (Dictionary) we Wantok na Oxford i wok bung wantaim long kamapim. Dispela buk i ken helpim yu tanim Tok Pisin i go long Inglis, o Inglis i go long Tok Pisin. Hariap na kisim wanpela bilong ol dispela gutpela buk we inap strongim Tok Pisin bilong yu.

ORDER FORM

TITLE	ISBN	PRICE (USD)	QTY	SUBTOTAL
PNG Tok Pisin English Dictionary	9780195551129	K38.50		

<input type="checkbox"/> Yes, I would like to order this book.	TOTAL	K
<input type="checkbox"/> No, I do not wish to order this book.	PLUSTAXES*	K
	GRAND TOTAL	K

- Options for Payment**
- 1) Direct deposit into bank account (credit only)
 - 2) Mail Payment to Word Publishing Company Ltd, PO Box 1002, Madang, PNG.
 - 3) Call Centre Order: Office 62, Section 04, Alakanda St, Madang, PNG.

Account Name: Word Publishing Company Ltd
 Account Number: 100 000 0380
 Bank: Bank of South Pacific Ltd
 Branch: Commercial Centre
 Branch Code: 8951
 Swift Code: BOSPPGM

FAX BACK TO: (675) 325 2579

If you are ordering from the web, please contact us for support.
 Phone: (675) 325 2580
 Fax: (675) 325 2579
 Email: word@wpc.com.pg

Name (print): _____ Phone: _____
 Address (print): _____

 Email: _____ Signature: _____



Sam Abal

Abal tok Anti-Korapsen lo bai gutpela

MINISTA bilong Foren Afes, Tred na Imigresen, Sam Abal i laikim i mas i gat wanpela strongpela Anti Korapsen Lo i stap long daunim pasin korapsen long kantri.

"Long olgeta wokabaut mi mekim olsem Foren Minista, mi luksave olsem PNG i mas gat wanpela strongpela anti korapsen lejislesen na wanpela strongpela anti korapsen opis husat bai no inap pret long pait agensim korapsen long pablik na praivet sekta, wankain olsem kantri Singapo i gat," Mista Abal i tok.

"Mi lukim olsem kantri i nogat gutpela sanap long paitim korapsen bai no inap lukim driman na developmen bilong pipel bilong en. Sapos mipela long PNG i no sanapim gut dispela faundesen, mipela bai salim kantri bilong yumi i go bek tru. Maski hamas moa mani i kam insait long kantri, em bai lus nating na bai nogat samting long soim ol pikinini bilong mipela na ol lain bilong bihain."

Mista Abal i tok em i singaut nau long olgeta ol manmeri na lida long holim han na wokbung wantaim long sanapim gut kantri.

"Yumi no inap long sutim tok long mipela yet. Yumi mas sanap wantaim na bihainim wanpela strongpela tingting tasol. Hevi bilong korapsen i no long wanpela sekta bilong komyuniti tasol. Em i hevi bilong yumi olgeta, olsem na yumi olgeta i mas mekim samting long rausim," Mista Abal i tok.

Manmeri no wanbel long birua laik kisim Manek

Paul Zuvani i raitim

PLANTI ol oganaisesen, grup na wan wan ol manmeri i no wanbel long ol man nogut i laik sutim Sif Ombudsmen Chronox Manek.

Ol polis, pablik, polis, Australia gavman na Ombudsmen Komisen yet i tok dispela kain pasin i daunim gut nem bilong kantri.

Na bai bagarapim ron bilong gutpela gavanens.

Nesenel Kapitel Distrik na Sentrel Polis Komanda Awan Sete i tok nau yet ol i painim yet husat i laik sutim Manek.

Na ol i no save yet long as bilong dispela pasin nogut.

"Mipela bai yusim olgeta rot bilong painim na kisim husat man o meri i gat tingting na i laikim bagarapim laip bilong Manek."

"Dispela taim i wanpela sore taim bilong PapuaNiugini."

"Kain pasin em nogat wanpela man o meri i laikim long em," Sif Supritenden Sete i tok.

Em i tok Metropolitan Supritenden Fred Yakasa i kamapim pinis wanpela tim long mekim dispela wok long raunim na painim husat man i save mekim dispela ol pasin nogut.

Supritenden Sete i askim ol manmeri husat i harim sampela ol tok



NO AMAMAS! Chronox Manek, Sif Ombudsmen Komisina

long kamap bilong dispela hevi long toksave long polis.

Em i tok pablik i gat wok bilong tokaut long polis long husat ol arapela i save kamapim kain pasin nogut.

Tasol polis bai haitim luksave bilong yu taim em i mekim wok, Sete i tok.

Long wankain taim Ombudsmen Komisen i tok i nogat wanpela ples we i save laikim pasin bilong bagara-

pim laip.

Husat man i save mekim dispela kain ol pasin i nogat strong long stap insait long komyuniti bilong ol man.

Ol man nogut i laik sutim Manek long haus bilong en long Korobosea, Mosbi long Sarere nait.

Dispela i kamap bihain long Manek i witesim Krismas so we Nesenel Kapitel Distrik Gavana Powes Parkop i lonsim long Gordons.

Taim em i lusim Gordons na i go

bek long haus bilong en em i lukim olsem wanpela ka i wok long bihainim em.

Em i go yet long haus bilong en tasol i lukim ka i bihainim em yet na olsem em i lusim na raunim sampela hap bilong Korobosea pastaim.

Bihain em i laik go bek long haus tasol dispela ka long taim i sindaun na wetim em klostu long haus bilong en.

I laik go insait long haus na tripela man i kam aut wantaim gan na i laik soim em.

Em ting ting long putim on long ka bai get i op na em i go insait long haus tasol em i no laik long wanem nogut famili i kisim bagarap.

Em i lukim olsem na i rivesim ka i go bek na i laik bamim dispela ol man nogut.

Taim em i mekim olsem wanpela man i sut long gan we bulet i brukim glas go klostu long han bilong en na go long hapsait bilong ka.

Namba tu i sut long bel bilong en tasol dispela gan tu i abrus.

Manek i kisim sampela sua long glas bilong ka i bagarapim em.

Em i lusim blut na go hariap long polis long helpim em.

Manek yet i no save long as bilong man nogut i laik bagarapim laip bilong em.

Polye laik kisim bek ministry...

■ kam long pes 1

"Se Michael i save long wanem samting em i mekim na em bai mekim long taim bilong em.

"Olsem bihainim lo Se Michael i kisim dispela ol ministri bilong pasim dispela ples we mi lusim long em.

"Na olsem bihainim kastom, Ministri bilong Woks oltaim i save go long ol Momba bilong Hailans na mi bilip em bai bihainim dispela tredisen," Polye i tok.

Long dispela avinun Ilekorel

Komisen bai kisim ol riti i gobek long Gavana Jenerel Se Paulias Matane long Gavman Haus long Gavana Jenerel i sainim long pinis bilong ileksen.

Bihain long dispela Polye i ken lukluk long mekim wok olsem Momba bilong Palamen na kisim bek ol ministri bilong en.

Em i winim bai ileksen wantaim 18,621 vot we dispela i 53 pesen bilong praimer vot.

Long 2007 Jenerel Ilekorel Polye i bin winim ileksen wantaim 18,000 vot. Win bilong Polye i mekim Hailans ri-

jen i gat bikpela namba bilong Nesenel Alaiens Pati Momba wantaim 9-pela momba.

Em i tok win bilong en i bihainim tripela as tingting em i bin gat long em. Dispela ol as tingting em:

Polye i givim tripela as bilong em i laik go insait long bai-ileksen na dispela ol as em:

STRONGIM bilip long 18,000 o 19,000 manmeri husat i votim em; STRONGIM yet luksave em i gat long komyuniti na long tokaut olsem em no win long paul pasin; na

STRONGIM bilip bilong ol pikinini bilong en long em olsem em i gutpela papa na i no win long paul pasini.

Long kisim ples bilong en na lukautim Pati long Hailans rijen em Tari Pori momba na Minista bilong Edukesen James Marape.

Marape na Minista bilong Polis na Momba bilong Mul Baiyer Sani Rambai i stap tu long taim bilong konferens we ol i tok amamas long win bilong Polye.

Tupela i tok dispela win bilong Polye nau bai strongim stap bilong Pati long rijen inap long 2012 Jenerel Ilekorel.

WORKING ALL OVER PNG

BRUT - SLIP ON

**NUBUCK
- 6" LACE UP
SUEDE LEATHER**

**EXPLORER
- 8" LACE UP**

BULLDOG BOOTS:

- Dual density Polyurethane rubber sole for extra comfort and increased wear
- Lightweight
- PORON inner soles for exceptional comfort

- Wide Steel Toe Caps
- Full Length Tongue

- Certifie to AS/NZ 2210.3
- Oil & Heat Resistant Sole
- Padded Collars

BISHOP BROTHERS NATIONWIDE

everything for industry...

Chan laik strongim helti pasin long Nu Ailan

GAVANA bilong Nu Ailan i laik strongim helti pasin namel long ol komyuniti long Nu Ailan provins.

Dispela em i kamap aninit long wanpela projek bilong Nu Ailan provinsel gavman long bildim ol pablik toilet long taun na ol ruel senta na ol ples na tu long ol ailan.

Aninit long dispela progrem provinsel gavman i laik apim mak bilong gutpela toilet na helti pasin na strongim save bilong ol manmeri long stap helti na bihainim helti pasin.

Siaman bilong Infrastraksa long Nu Ailan provinsel gavman, Rommy Tobo i bin go pas long lonsim dipela projek, na wok konstraksen nau i go het long wan wan ol ples olsem Lambom, Lamassa, Samo,

Huris, Nokon, Sohun na Namatanai.

Se Julius i tok provinsel gavman i makim K400,000 long 2009 Baset long bildim 20 ples toilet, tasol bikpela askim i kam long ol liklik ailan olsem Tingwon, Limanak na Umbukul na namba bilong ol ples pablik toilet i go antap long 30.

Bai gat 9-pela viles toilet bilong Kavieng.

Oi taun bilong Kavieng, Konos na Namatanai bai gat toilet i sanap long ol maket, pilai graun, ples balus, ol LLG senta, ol bikpela stua ples na long nambis. Wok konstraksen long pinisim dispela projek bai kirap gen long nu yia.

Moa long K1.4 milian em ol i makim insait long 2009 Baset bilong ol pablik na ples toilet.

Gavana Chan i tok ol manmeri i ken tok em i 'Gavana bilong Haus Pekpek', tasol em i no wari long dispela kain tok-tok. Bikpela samting em ol man i nidim ol toilet i stap long ol taun na pablik ples, na em bai bihainim na pinisim gut dispela progrem.

"Mipela i lukautim ol pikinini bilong mipela wantaim fri na sabsidais edukesen, mipela i lukautim ol lapun na ol disebol bilong mipela, ol agrikalsa na infrastraksa projek i wok ron olsem win, na nau mipela i mas apim standat bilong ol pipel bilong mipela," em i tok.

Narapela projek em i lukluk long stretim long ol taun em ol ples bilong ol manmeri long wokabaut long rot.



PABLIK TOILET: Wanpela long ol pablik toilet long ples Sohun long Nu Ailan.

Mak bilong ol skul fi long 2010

OL papamama insait long kantri i kisim askim long stat redim ol skul fi long ol pikinini bilong ol nau, Edukesen Minista James Marape i tok olsem long dispela wik.

Taim em i tokaut long ol elementeri skul bai skul fri na nogat skul fi, em i tok ol narapela skul lev-

el bai peim yet skul fi. Na bikos prais long ol samting long ol stua we ol skul i yusim i go antap, pe bilong ol skul fi bai go antap liklik long neks yia.

Hia em mak bilong ol skul fi we Nesenel Edukesen Dipatmen i tok oraitim long givim stia i go long ol

provinsel edukesen atoriti na ol Edukesen Dipatmen divisen long makim ol skul fi mak i orait glasim wantaim prais bilong ol samting i go antap, mak we ol papamama inap long peim tasol long wankain taim, ol skul na kolis i ken gat inap mani long ranim ol skul bilong ol.

Skul Level	Skul Fi mak we NEB i makim long en.
Elementeri Prep- Gret 1-2	Fri
Praimeri Gret 3-6	K270.00
Praimeri Gret 7-8	K270.00
Sekonderi/Vokesenel Gret 7-10 (De sumatin)	K900.00
Sekonderi/Vokesenel Gret 7-10 (Boda)	K1,300.00
Sekonderi/Nesenel Hai Skul Gret 11-12 (De) K990	
Sekonderi/Nesenel Hais Skul Gret 11-12 (Boda)	K1,500
FODE (wanwan sabjek)	K100.00
Skul Fi bilong ol Teknikel na Bisnis Kolis	
Teknikel na Bisnis Kolis	Skul Fi mak we Nesenel Edukesen Bot i makim.
TVET Institusen (De skul)	K2,940.00
Pot Mosbi Bisnis Kolis (De skul)	K3,240.00
Olgeta Boding Institusen	K4,830.00
TVET (HECAS)	K2,940.00
Bilong olgeta Praimeri Tisas Kolis na PNG Edukesen Institut (PNGEI)	
Praimeri Tisas kolis na PNGEI	Manimak long skul fi NEB i makim
Praimeri Tisas Kolis na PNGEI (self sponsa- de sumatin)	K1,125.00
Self Sponsa ba Kampani sponsa (Boding)	K2,225.00
PNGEI (Boding 16 wiks @K75 wanpela wik	K1,200.00
PNGEI kos bilong wanpela sumatin long wanpela yia	K1,200.00
Prektikel Fi	K350.00
Tuisen Fi	K1,200.00
Totol-olgeta fi I stap insait, SRC wantaim	K2,820.00



Dijisel amamasim Krismas bilong ol pikinini

PLANTI pikinini insait long kantri husat i no amamasim Krismas i gat sans nau long gat smail long pes bikos long gutpela samting we mobai kampani, Dijisel, i wokim insait long ol komyuniti ol i stap long en.

Long las wik Sarere, han bilong kampani i save mekim ol wok marimari insait long ol PNG komyuniti, em Dijisel Faundesen, i bin go lukim na amamasim de wantaim ol turangu pikinini we papamama i dai, ol pikinini long strit we ol papamama i no save bisi long ol na ol i save raun nabaut long ol strit.

Dispela em long Komyuniti Lening Senta (CLC) 9 Mail Foskwea Sios na

Francis Elementeri skul long 9 Mail tu.

Oi Dijisel voluntia na ol Fada Krismas bilong kampani yet i bin givim ol gif bek i gat long ol ol bik bilong rait, ol pensil, ol narapela skul samting na ol lans we ol i bin pekim pinis.

Long dispela taim bilong Krismas, Dijisel PNG Faundesen i raun givim presen na lans kaikai i go long 15 CLC long Mosbi, Hagen, Lae na Goroka.

"Dijisel Faundeseni laik kisim Krismas i go long moa long 1,000 turangu pikinini taim em i wokim moa long 20 visit o raun long ol CLC Faundesen long kantri namel long Disemba 5 na 20.

Toksave:
Dispela toktok
igo wantaim
las wiks
issue long
pes 14 na 15



Intanesinol De bilong ol Pikinini

For more infomation please contact:
The Chairman, National Juvenile Justice Committee
c/- Community Corrections & Juvenile Justice Department of Justice & Attorney General
2nd Floor, Garden City • P O Box 4423, Boroko. • Ph: 325 2209 • Fax: 311 2881




Hevi bilong bus rot



DOSA WOK: Dosa i stretim wanpela hap rot bilong i go long Menyamy. Dispela rot pastaim i bagarap tasol nau i gat masin i wok long stretim rot na mekim isi long ol kar i go kam

Man tok PNG no save givim samting long God

Andrew Molen i raitim

MOSES Kuruku Aluya bilong Wol Prea Ministri [World Prayer Ministry (WPM)] i tok Papua Niugini no save givim inap luksave long God. Em i tok God i save

givim planti samting long ol manmeri bilong PNG tasol ol i no save bekim wanpela samting i go bek long em. "God i givim yumi gol, wel, ges, abus, diwai na bus tasol yumi no save givim sampela samting i go bek long em," Mista

Aluya i tok.

Em i tok wanpela astingting bilong sios bilong em, em long luksave long ol samting God i givim long ol manmeri na givim biknem na amamas i go bek long em.

Mista Aluya i tok em i papagraun bilong Maunten Keapu long Sauten Hailans provins na long Julai dispela yia, em i givim dispela maunten i go long God.

Em i tok dispela maunten i gat planti risos bilong graun olsem gol, ges, wel na arapela samting tasol em bai givim dispela olgeta i go long God.

"Mani mi kisim long ol dispela samting bai go insait long wok bilong sios," Mista Aluya i tok.

"Planti manmeri bai no inap save gut long wanem samting mekim tasol mi gat bilip na mi lusim long han bilong God tasol," em i tok.

Wok bilong gol main bai kamap long Maunten Keapu liklik taim na Mista Aluya i tok em i givim olgeta samting i go pinis long God.

"Yumi noken mekim God olsem pipia, yumi



LOTU MAN: Mista Aluya i laikim PNG givim moa amamas na tenkyu i go long God. POTO: WPM.

noken tok tenkyu nating long maus na i no mekim wanpela samting.

"Yumi mas tok na givim tru samting i go bek long God long amamasim em," Mista Aluya i tok.

Mista Aluya i statim ministri o sios bilong em long 1981 long PNG na nau em i gat 40 sios long olgeta hap long kantri. Em i gat tingting tu long surukim dispela i go long ol liklik distrik na bus ples long wanwan provins.

Em i tok sampela ol kantri olsem Amerika na Sudan i gat luksave long lotu bilong em pinis.

Krismas Nu Yia lukim bia tambu long Sentral provins

PROVINSEL Administreta bilong Sentral Provins, Raphael Yibmaramba i salim toksave i go aut pinis olsem stat long namba 23 de bilong mun Desemba, bai tambu long salim bia long Sentral provins.

Dispela lika ben o tambu long bia em bilong kamapim gutpela Krismas na Nu Yia i nogat trabel o hevi.

Toksave long kamapim dispela tambu long salim bia na ol strongpela dring i kamap bihainim tingting bilong Sentral Provins Gavman na Administresen.

Mista Yibmaramba i tok dispela tambu insait long provins bai ron long Desemba 23 i go inap Janueri 2, 2010.

Olgeta bia stua insait long Sentral provins bai no inap long salim bia long dispela taim long Krismas na Nu Yia.

Em i tok ol pipel bilong Sentral Provins em ol gutpela lain bilong stap isi, na ol i mas amamasim dispela taim gut na stap isi long luksave long tru tru mining bilong Krismas.

"Wanem ol bia stua i salim bia long dispela taim bai kisim bikpela mekimsave tru aninit long ol provisin bilong Lika Laisensing Ekt," Mista Yibmaramba i tok.

TELIKOM PUBLIC NOTICE

Telikom will be transferring all Wireless Internet customers from POSTPAID to PREPAID on the 24th November 2009. It is important to take note of the following:

- 1. Your Logon Username will change.**
- 2. Contact customer care now on the numbers shown below to obtain your new User Name**
- 3. Your PIN Number will not change**
- 4. Your Data, Balance Enquiry and Account Recharge will be done through existing 1255 number**
- 5. You will be offered the Regular Bundle upon transfer from POSTPAID to PREPAID. However, you may choose any one of the other prepaid plans that suits you after migration**
- 6 Customers wishing to remain on POSTPAID should go to or contact the nearest Telikom sales office for assistance**
- 7. More information relating to the above will be available from 23th November at selected Telikom sales offices or may be sent through email on request.**

For further information contact: 323 4444 or 344 4444

Email: rait@telikompng.com.pg

Kafana Wimens grup laikim sapot wok

WANPELA bikpela mama grup i gat ol meri long ol bikpela na liklik sios long Goroka, lsten Hailans i wok bung wantaim long klinim Goroka taun na pipel i ken stap long gutpela helti taun we pipel bai amamas long stap long en.

Grup em Kafana Wimens Koporetiv Sosaiti long Goroka i laikim olsem olgeta wok bilong klinap long ol taun eria na ol pablik eria olsem long ol maket na tu klinim ol pipia na katim ol gras long sait bilong ol rot na ples balus em ol lain husat i stap long ol opis bilong ol atorit em ol i mas givim i go long ol mama grup. Na ol mama i ken mekim dispela ol wok long kisim ol helpim na long sem taim tu, strongim wok bilong ol olsem grup na asosiesen.

Presiden bilong Kafana mama grup, Koli Mathias i tok, planti ol mama long grup bilong em i kam yet long ol haus we i bruk nabaut. Em ol man bilong ol i lusim ol meri na pikinini na go marit long ol narapela meri. Mekim olsem na planti mama i kisim taim, Olsem na ol i kam bung na kamapim dispela mama grup i gat moa long 50 mama long en na ol i kam long planti ol sios dinominesen olsem Luteran, Catholic, Yunaitet Sios, Evangelical Brotherhood Sios na ol arapela pentekostel sios we ol i bin kamap wantaim wanpela tingting na kirapim dispela grup.

Misis Mathias i tok lukluk long ol eria long taun em i nidim tru planti wok klinap, tasol ol lain long atorit i no save tingting long skelim ol wok i go i kam na kisim ol mama grup long mekim ol wok.

"Mipela i kamapim grup na rejista pinis na redi tru long mekim ol wok long taun", Misis Mathias i tok. Em i tok grup bilong em i kamapim tu ol nupela projek olsem wokim ol skul desk, tebol, samapim ol klos, poltri na ol arapela liklik agrikalisa faming projek, tasol ol i no nap surikim wok i go het long wanem ol i gat hevi long mani i sot.

"Mipela i ken kirapim na wok strong long dispela ol projek, tasol mipela i sot long ol mani long helpim mipela yet long skruim dispela ol wok i go het", Misis Mathias i tok. Em i tok sapos ol atorit i givim ol wok long ol mama grup na baim ol long wok mak bilong ol, ol i ken mekim yus long dispela ol mani long skruim ol wok projek bilong ol go het.

Misis Mathias na grup bilong em i bin kisim wanpela wok em Civil Aviesen Agency (CAA) i bin givim ol long klinim Goroka ples balus long Julai long dispela yia. Na ol i pinisim dispela wok na kisim liklik peimen.

"Mipela laik go het na mekim dispela kain ol wok tasol ol toktok mipela i save kisim bek em'nogat mani, nogat fans long peim yupela'. Misis Mathias i tok.

Braun Haus sik kisim K350, 000 helpim

Bustin Anzu i raitim

BRAUN Memorial Rurel Haus sik long Finsafen insait long Morobe provins i bin kisim K350, 000 long ol Memba long taim bilong 50 yia aniveseri bilong ol long dispela wik.

Morobe Provinsel Gavman, long Sam Sawe o provinsel miting bilong ol i putim K100, 000, Memba bilong Tewai Siassi Vincent Michaels na Minista bilong Difens na MP bilong Kabwum Bob Dadae, tupela wantaim i givim K100, 000.

Helt Minista na MP bilong Huon Gulf Sasa Zibe i putim K50, 000 i go long wok bilong haus sik.

MP bilong Finsafen Theo Zurenuoc i tok JDP na BPC bilong em bai lukluk long stretim long sait bilong mekim wok mentenens.

Ol memba Michaels, Dadae na Zibe i tok ol lain pipel long lilektoret bilong ol i save kam na kisim helpim long dispela haus sik na em

i gutpela long helpim dispela haus sik long wanem, em i stap long sait bilong ol na planti lain bilong ol i save go long dispela haus sik na kisim save.

Michaels na Dadae i tok ol lain bilong ol i save kamapim olsem Braun haus sik em wanpela bikpela haus sik na ol i save kam na kisim marasin olsem na ol bai lukluk long strongim dispela haus sik moa yet.

"Planti ol lain bilong mipela long Tewai Siassi na Kabwum i save kam long Braun na kisim marasin na planti em sik bilong ol i save orait. Olsem na mipela i givim dispela mani strongim na kamapim dispela haus sik igo moa yet," tupela i tok.

Minista Zibe i tok tenkyu long Luteran misin long kamapim dispela haus sik we i bin sevim planti lain bilong FISIKA (Finsafen, Siassi na Kabwum), Morobe na tu, ol manmeri bilong narapela hap provins insait long kantri.

Em i tok tu olsem ol misin haus sik i save stap long ol han bilong misinari na i save ron gut, we winim ol gavman haus sik.

Gavana Wenge tu i tok em i tok amamas long ol ovasis dokta, sista na nes long mekim bikpela wok long strongim dispela haus sik na em i salutim na tok amamas tru long ol dispela ovasis lain.

"Pasin bilong ol long sevim ol manmeri na pikinini em i namba wan tru. Ol dokta long dispela taim i save gat gutpela pasin bilong rispek na toktok wantaim ol sikman meri na taim ol i lukim ol na toktok, sik bilong ol i save pinis nating tru," em i tok.

Em i tok em yet i bin skul long Dregafhen Hai Skul long 1975 na em i bin kisim bikpela sik malaria na em i go long Braun Memorial Haus sik na taim em i lukim dokta, sik bilong em i pinis nating tru.

Em i laikim moa lokol dokta long mekim wok insait long ol misin haus sik.



CAA SAPOTIM MAMA GRUP: Sivil Aviesen Ejensi Goroka ples balus menesa, George Banayang i givim liklik peimen bilong ol klinap wok i go long Presiden bilong Kafana Wimens Koporetiv Sosaiti, Koli Mathias bihain long ol i pinisim ol wok klinap long Goroka ples balus. Foto: Sape Metta

Ol Edukesen opisa kisim salens long AIDS

SALENS i go long ol opisa bilong Edukesen Dipatmen long go pas long pait egensim sik AIDS.

Siaman bilong Tising Sevisis Komisn (TSC), Michael Pearson i wokim dispela salens o no long taim i go pinis long Wol AIDS De.

Mista Pearson i bin tokim ol opisa i bung ausait long Fincorp Biding olsem PNG i gat bikpela wok we wol i karimaut na em long pait egensim na daunim sik AIDS.

Em bin tok PNG Nesenel Stretijik Plen i promotim helti laip we pipel bai stap gut na amamas

long sindaun bilong ol. Tasol em i tok long PNG long kisim na in apim dispela, em i mas daunim sik AIDS.

"Bikpela sekta long pait egensim sik AIDS em long edukesen sekta. Ol tisa bilong mipela, ol sumatin na ol opisa i mas go pas long ol wok awenes long HIV/AIDS insait long skul, komyuniti na wan wan ples bilong yumi.

Bikpela samting em yumi mas save sapos yumi gat binatang bilong AIDS i nogat," Mista Pearson i tok.

Em i tok AIDS em i bikpela birua we i ken bagarapim Edukesen sistem taim em i kilim dai ol tisa.

"Mak long ol tisa we sik AIDS i bagarapim ol i wok long go antap. Mi singautim yupela long kisim na harim gut na bihainim ol toktok mi givim yupela. Em i bikpela samting long yupela i mas save sapos yupela i gat AIDS binatang. Sapos yu gat AIDS na yu wok long go wokim nabaut na slip wantaim ol narapela patna, yu wanpela man bilong kolim narapela man," Mista Pearson i tok.

Painimaut, save na kisim tritmen eli i min yu bai stap laip longpela taim moa.

Kisim HIV TRITMEN eli!

Go long VCT na Helt Senta klostu long yu long kisim moa toksave.

Nesenel AIDS Kaunsil Sekreteriet, PO Box 1345, Boroko, NCD Telepon 323 6161 Feks 323 1619



Elementeri skul bai fri ..nogat skul fi stat long neks yia

Veronica Hatutasi i raitim

WANPELA bikpela Krismas presen bilong Edukesen Dipatmen i go long olgeta papamama na ol pikinini long PNG em Elementeri Edukesen em i fri. Dispela i min olsem stat long neks yia, 2010 skul yia, ol sumatin i go long Elementeri skul level long olgeta hap bilong kantri i no inap long peim skul fi. Tasol skul yet na ol sios ejensi i ken

sasim fi, olsem projek na ejensi fi. Edukesen Minista, James Marape i tokaut long dispela gutpela nius long dispela wik.

"Stat long 2010, elementeri edukesen bai fri. Tasol sapos i gat ol fi we ol skul na ol ejensi i sasim, ol papamama i mas peim. Dispela i karamapim ol projek fi na fi. Ol papamama bai baim ol narapela samting olsem ol skul yunifom, su, na ol steseneri ol nidim long helpim ol mekim

wok long skul," Mista Marape i tok. Gavman long 2010 mani plen bilong em, i katim K144.3 milion olsem skul fi sabsidi long ol skul neks yia.

"Fri elementeri edukesen em i wanpela rot long go hetim Yunivesel Praimeri Edukesen (UBE) plen 2010-2019. Mi tok tenkyu long Somare-Temu gavman long givim K144.3 milion olsem skul fi sabsidi long helpim ol papamama peim skul fi. Gavman i wokim dispela di-

sisen long skruim fri edukesen sapot long 2010 long helpim ol wok bilong Yunivesel Besik Edukesen (UBE) long olgeta pikinini insait long kantri," Mista Marape i tok.

Taim Mista Marape i tok tenkyu long ol patna olsem nesanel, provinsel na lokol level gavman, ol papamama, ol tisa, ol dona ejensi, ol NGO na ol sios na ol praivet sekta lain long helpim na sapot bilong ol long edukesen sekta, em i

salensim ol papamama long sevim mani nau bilong peim ol skul fi.

"Mi salensim ol papamama na ol was papamama long sevim mani nau long ol narapela edukesen level. Gavman i go het long sapotim ol papamama tasol ol papamama i mas mekim hap wok bilong ol long sevim mani bilong praimeri, hai, sekonderi na teseri level. Noken westim taim. Nogut bai em i leit pinis na yu popaia," Mista Marape i tok.

Ol tisa bai gat bikpela wok long NSP

Bustin Anzu i raitim

NESENEL Stretejik Plen 2050 i bin kamap pinis i no long taim i go pinis we Praim Minista Sif Se Michael Somare i bin lonsim.

Dispela plen em bilong narapela 40 yia we ol yangpela bilong dispela kantri yet bai stap olsem wanem na ol mas kamap long wanem mak.

Ol wanwan lidaman bilong kantri nau i wok long mekim bikpela wok long luksave olsem dispela plen bai i go

olsem wanem na husat ol lain bai go pas long kamapim dispela samting.

Gavana bilong Morobe, Luther Wenge, i gat bikpela bilip olsem ol tisa em ol namba wan lain husat bai gat bikpela wok long dispela plen.

Taim em i stap lukim namba 45 greduesen bilong Balob Tisa Koles long Lae, em i tok dispela plen i bin kamaut pinis na ol tisa em ol namba wan lain manmeri we ol bai skruim na strongim dispela plen.

"Em i no wanpela rong long yu

kamap tisa olsem wanpela wok bilong yu. Dispela em wanpela namba wan wok long skulim ol lida bilong tumoro. Dispela wok em i hatpela wok tasol mi gat bikpela bilip long yupela olsem yupela bai mekim wok long kamapim ol lida," em i tok long taim bilong greduesen.

Gavana i bin givim dispela toktok olsem wanpela ges spika long 45 pri-sevis na 7 in-sevis greduesen long Balob Tisa Koles tripela wik i go pinis.

Em i bin tokim ol yangpela tisa olsem

dispela Nesanel Plen 2050 i no bilong Praim Minista, ol Memba o bilong Gavana bilong Morobe, nogat. Em i bilong ol lida bilong tumora we long kamapim gutpela sindaun long bihain na ol i mas gat luksave insait long kantri na wol.

"Planti bilong ol gutpela lida i stap aut yet na em i wok bilong yupela long luksave long ol. Yupela mas luksave long dispela plen na givim gutpela skul long ol yangpela bilong bihain na ol i ken kamap smat, tingting gut, stap helti na kisim gutpela save long bi-

hain taim," em i tok.

Em i tok tu olsem planti ol gutpela lida nau i stap aut long olgeta hap ples insait long Papua Niugini na ol i gat bikpela wok long lainim ol otisim ol long kisim gutpela save long bihain taim.

Em i tok em yet em i wanpela mangi bilong ples long Kasanombe, long bikpela bus bilong Nabak Wain insait long Nawae Iektoret tasol em i go long skul, kisim wok jas na bihain go insait long politiks. Olsem na i no hatwok, i gat rot i stap.



DEPARTMENT OF LABOUR AND INDUSTRIAL RELATIONS

PABLIK NOTIS

Toksave i go long jeneral pablik olsem ol opis bilong ol Divisen ov Foren Emploimen na Nesanel Emploimen bai pas stat long 24 Desemba i go 3 Janueri 2010. Ol bisnis bai op gen long Mande 4 Janueri 2010.

Plis luksave gut long ol dispela deit:

Trinde 16 Desemba 2009 – Deit long stop long wokim olgeta Nupela na ol Rinual Wok Permit Aplikesen.

Tunde 22 Desemba 2009 – Kaunta Sevis bai op long Kisim Tasol ol Wok Permit

Trinde 23 Desemba 2009 – Kaunta Sevis bai Op long Kisim Tasol ol Wok Permit

Meri Krismas na Amamasim Dispela Gutpela Taim.

Tok Orait i kam long

DAVID K.G. TIBU, LLB
Ekting Seketeri



SELEBRETIM WOL AIDS DE: MINIVAVA grup i laitim kendal antap kruse na kofin i soim sik AIDS i save kilim manmeri.

Lukim save long ples bilong Jisa long stori na piksa

Stori i kam long buk 'Holy Land'

TAIM bilong Krismas De i kamap klostu nau. Na long ol Kristen pipel long wol, dispela em i bikpela de bilong tingim Jisas Mama Maria i bin karim em long Krismas de moa long 2000 yia i go pinis long taun ol i kolim long Bethlehem long eria ol i kolim long Holilen insait long Midel Is.

Bethlehem nau i stap long Israel tasol long dispela taim tu, pait i stap

namel long ol Israel na Palestain pipel, long eria we taun Jisas i bon, groap, wokabaut, wok na dai long em i stap.

Wantok bai traim long givim liklik histri na ol potong long ol wik i kam long dispela ples Holilen na laip na wok Jisas i bin mekim.

Holilen i stap we?

Holilen em i hap graun i stap namel long Maun Hermon na pinis bilong Ded Si (Dead Sea) long saut. Na long Jordan long is na Mediterenien Si (solwara) long wes. Dispela

kantri i gat nem long politiks na lotu wantaim. Bikos long eria em i stap long en, em i save stap olsem bris namel long ol kantri i gat bikpela pawa na histri olsem Ijip long saut na Mesopotamia long not.

Holilen em i liklik kantri. Em i gat ol kain weda na graun i stap long en tasol naispela hap. Maun Hermon we antap hap bilong em i stap moa long 2,000 mita i save gat sno o ais, gris bilong graun long Galilee i go daun olgeta

long Mediterien Kos i gutpela. I go olsem long Judea em i drai ples. Na long Mediterenien kos i go long ol liklik maunten long Sharon na Philisti i go daun long Jordanik pit na Ded Si (I stap 396 mita aninit long Mediterenien Si), ol ai bai lukim ol naispela ples i gat ol kain kala long en. Maski sampela hap i nogat diwai samting, bai yu amamas long lukim ol kain gutpela piksa bilong dispela ples na graun yet.

Moa long neks wik.

MINIVAVA i Selebretim AIDS De

(Sr. Benedikta Werang SSPs i bin raitim long English, na Fr. Paul Liwun SVD i tanim long tok pisin)

OLSEM long planti hap bilong graun i bin selebretim Wol AIDS de sotpela taim i go pinis

long kain kain we, long tingim na prea bilong helpim ol manmeri i bin kisim bagarap o dai long sik AIDS.

Long Goroka, Isten Hailans, - MINIVAVA grup - em i wanpela grup husat i gat AIDS binatang tasol ol i promotim we bilong stap sindaun gut o long tok inglis, ol i kolim Positive Living.

Bruder Aloysius Aisi SVD, husat i wok wantaim MINIVAVA grup, i bin go pas long kamapim dispela selebresen. Long nait Novemba 30, bipo long Wol AIDS De, ol i bin bung wantaim long YC

hal bilong Goroka na wokim kendel lait, laitim kendel na prea long helpim ol manmeri i dai pinis long sik AIDS. Na helpim narapela i stap laip yet na karim dispela hevi i stap.

Planti manmeri i bung insait long YC hal i bin pilim sori na krai taim ol wan wan i bin laitim kendel na pre. Pater John Ryan SVD, peris pris bilong Santu Maria long Goroka i bin go pas long laitim kendel. Na bihain, ol narapela ogenaisesen, NGOs, UNICEF, AU-SAID, CLINTON FOUNDATION, SAVE THE CHILDREN, AT PROJEK, St. Joseph VCT Center, Melanesian Institute, Religious na planti manmeri moa i mekim.

Ol dispela ogenaisesen i save wok bung wantaim, na sapotim ol yet long helpim awenes na long stopim manmeri i

noken spredim AIDS.

Long AIDS de stret, ol i bung gen long harim sampela bikman na meri i givim toktok. Planti NGO i bin preisim MINIVAVA grup na i tok - Yupela kamap trupela profet tude. Em i tru.

Dispela grup em i profet insait long Goroka taun. Ol i no stap hait.

Ol i kamap long ples klia insait long wanpela grup ol i kolim MINIVAVA, em i wanpela tok ples Goroka stret. Mining bilong MINIVAVA em i Stap longpela taim (Stay Long).

Long dispela taim, i gat 43 memba bilong MINIVAVA i strong mekim wok stret. Ol i stap aninit long MERCY WORK ORGANISATION (Ogenaisesen bilong marimari). Planti NGO i sapotim dispela grup long kamap strong.

Israel na Vatikan i bung

ISRAEL na Vatikan i wok long skruim ol toktok long wok poroman namel long ol na moa yet, ol propeti bilong Katolik Sios long Israel.

Wanpela ripot i kam long Zenit Vatikan nius ejensi i tok ol toktok i bin kamap long Vatikan yet wantaim wanpela grup o delegesen i kam long Israel.

Wanpela bikpela samting we tupela grup i bin toktok long en em long moa long 100 propeti bilong Katolik Sios i stap insait long Israel.

Komiti i makim tupela grup, Pemanen Bailateral Woking Komisin, i bin kamap wantaim wanpela stemen we ol i wanbel na kamapim statok agrimen i sut long takis na husat i papa long moa long 100 sios propeti insait long Israel.

Ol toktok long ol dispela samting i bin stop long sampela yia tasol long yia 2005 ol i kirapim ol toktok we ol bai skruim gen long Janueri 7, 2010. Stat yet long dispela taim, tupela i wok long toktok long noken sasim takis i go long ol sios propeti na moa yet, long ol "Holi ples". Vatikan na Israel i bin kirapim wok pren long diplomatik level long yia 1993.

Ol meri rilijes kisim Krismas i go long Iraq

KRISMAS bai go gut long ol Kristen long Irak (Iraq) wantaim helpim bilong ol Katolik Sister bilong Chaldean kongriksen.

Ol Sister i redim ol pasel kaikai bai helpim planti tausen Kristen long Irak, moa yet, ol lapun, ol lain disebel o sampela hap bodi bilong ol i bagarap na ol lain i gat ol spesel nid, long amamasim dispela Krismas.



BETHLEHEM: Lukim hap long Bethlehem taun wantaim Basilika o sios bilong Nativity ol i bikdim long ples we Mama Maria i bin karim Jisas long en.



JERUSALEM: Lukim siti bilong Jerusalem long hapsait bilong saut is.

Ol meri Bogenvil i amamas long PNG gems

Veronica Hatutasi i raitim

NESENEL PNG Gems i bin kamap long Mosbi las mun i bin pulim planti tausen yangpela pipel bilong olgeta provins long PNG i kam.

Otonomes Rijen bilong Bogenvil (ARB) i bin gat bikpela namba, 400 na moa yangpela man na meri i kam pilai long 15-pela pilai. Sampela ol pilai em long boksing, kik-boksing, taekwando, soka, volibal na ol narapela moa.

Long 400 pilai i bin kam long Bogenvil, planti meri pilaia i bin kam long makim ARB. Na i luk

olsem dispela em i gut-pela mak we ol lidaman i go pas long ol pilai i luk-save tu olsem ol meri i ken wokim gut long ol pilai olsem tasol ol man.

Biksing em wanpela spot o pilai we ol lain long Bogenvil i save kamap gut tru long em. Na long dispela PNG Nesanel Gems, ol yangpela meri Bogenvil i bin soim strong bilong ol i go long ol narapela wanlain bilong ol long PNG. Tripela meri boksa i bin wokim gut na wan wan long ol i bin kisim silva medal long ol eria ol i makim long resis long ol long boksing. Tripela em long Freda Loahin, Alodia Mosan na Clarice Nahi. Em i bin

namba wan taim long Alodia na Clarice i kam long Mosbi na pilai long nesanel level.

Tripela meri i tok ol i amamas long kam pilai long dispela bikpela pilai bilong ol yangpela bikos ol i lainim planti samting na wokim ol nupela poroman tu.

"Mipela i bin lukim na lainim planti samting, miks nabaut na wokim ol nupela poroman," Freda i tok.

Long 15-pela tim long boksing, 9-pela em ol man na 6-pela em ol meri. Tim i bin winim 4-pela gol medal, 5-pela silva na 4-pela brons. Tupela meri i bin winim 2-pela gol medol.

Boksing tim menesa, Eddie Gani, i tok em i amamas stret long ol pilai bilong em i wokim gut tru long boksing.

"Glasim ARB tim wantaim ol narapela na moa yet, wantaim Sentrel provins, em i resis strong-pela tru. Na mi wok long lukluk long sampela pilai bilong mipela ol bai kisim ol long makim PNG long Saut Pasifik Gems," Mista Gani i tok.

Long soka, tim bilong ol Bogenvil meri i bin wokim gut na kamap namba tri long winim brons medol bihain long ol meri Manus na Madang.



LUKAUT LONG OL MERI BUKA BOKSA: Tripela long ol meri boksa bilong Bogenvil i bin kisim ol (3-pela) silva medol. Oli sanap wantaim ol narapela man boksa na boksing tim menesa. Meri Wantok i kisim poto long Sen Peter Sanel Praimeri skul we Tim Bogenvil i bin stap

Raun lukim ol meri na pikinini



ANUEL YUT WIK: Sampela ol meri yut bilong Sentrel Bogenvil i go kamap long ples bilong stap na wokim ol



WARA i LAIP! Amamas long kisim nupela wara saplai long Tubiana, Sentrel Bogenvil. Namel long ol meri em Kodineta bilong Horizont 3000, Dete Siegert bilong Austria i wok long projek long Arawa.



FADA KRISMAS KAM PINIS: Mobail telepon kampani, Dijisel, i amamasim planti pikinini long Mosbi na ol ausait provins taim em i holim ol Krismas pati bilong ol stat tupela wik i go pinis. Hia em tupela Fada krismas i sindaun na ol wan wan pikinini i wok long kisim poto wantaim ol, olsem dispela poto bilong tupela pikinini wantaim Fada Krismas i soim. Wanwan pikinini i bin kisim tu krismas presen i kam long Dijisel Faundesen i putim kamap dispela krismas pati bilong ol pikinini i nogat papamama na ol strit pikinini long UPNG Botenikol Gaden. *Poto: Veronica Hatutasi*



TUMBUNA PASIN: Hia nau em tupela Gret 6 sumatin bilong Monoitu Praimeri skul long Siwai, Saut Bogenvil soim pasin kastom we skul i holim strong nau yet.

Sotpela Tok Skul:

Marie Stopes PNG na helt bilong ol yut

PLANTI Non Gavman Ogenaisesen (NGO na ol sios grup i wok insait long PNG long givim servis, sevim ol mama na ol pikinini, ok yut na tu, daunim mak bilong ol manmeri na pikinini i dai long ol kain sik na AIDS. Wanpela long ol NGO grup i kam insait long PNG samting olsem 5-pela yia i go pinis na i mekim wok long helpim na kamapim gut helt bilong ol yangpela (yut) em Marie Stopes PNG (MSPNG). Wok bilong dispela NGO em wok long sait bilong riprodaktiv na seksual helt bilong ol yangpela pipel, fami plening na ol yangpela i karim bebi tai mol i no redi yet. Fokas bilong MSPNG em long ol yangpela i gat krismas namel long 15-24 yias. Insait long Pasifik rijen, PNG i gat bikpela mak tru long ol yut o yangpela meri i save gat bel. MSPNG i hap bilong bikpela ogenaisesen, Maris Stopes Intenesenel we i wok i stap long 42 kantri long wol.

Moa long neks wik.

WANTOK
KOMENTRI

Korapsen na stil pasin kamap ples klia

LAS wik ol man nogut i traim long kilim Sif Ombudsman Komisina Chronox Manek.

Taim ol imekim dispela, oli strongim tru bilip bilong dispela opis, na olgeta narapela gutpela tingting PNG manmeri.

Ol manmeri husat i les pinis long ol stil pasin na korapsen i wok long brukim lek na baksait bilong kantri bilong yumi.

Sapos Manek na ol lain opisa bilong em long Komisin i no bin save gut long husat ol stilman i wok traim haitim ol pekato bilong ol, dispela birua nau i kamap ples klia.

Hevi i kamap long Mista Manek long Fraide nait, ausait tasol long haus dua bilong em, bipo, bai yumi ken tok olsem em i pasin bilong ol stil man i painim kar long mekim bikpela stil pasin, na samting olsem.

Tasol nau, i kamap ples klia tru, olsem ol lain bikman husat i gat sampela asua pinis aninit long ol lo bilong yumi, i wok long pret nogut tru long taim bilong ol long stil bai pinis klostu.

Olsem na ol i wok baim ol man nogut long traim haitim ol asua bilong ol.

Mista Manek, yu mas save olsem i gat planti manmeri long dispela kantri husat i bilip strong olsem yu bai kamautim planti bikpela stil pasin i stap namel long ol bikmanmeri bilong yumi.

Olgeta dispela ol stil pasin, em yu na opis bilong yu nau i gat bikpela wok bilong autim na kantri bai save.

Nau yumi stap, planti ol bikpela hevi we i bin seksekim dispela kantri, em i nogat gutpela pinis, o wok painimaut, o mekimsave long ol lain i kamapim.

Pasin we i wok long kamap strong tu nau, em planti manmeri long kantri i luksave pinis long en.

Sapos i gat hevi, bai ol bikman i tok, 'Orait, bai yumi kamapim wanpela komisin bilong glasim na painimaut tru as bilong en, na husat i bin asua na go pas long dispela pasin.'

Tasol olgeta kain hatwok bilong ol gutpela manmeri i save pinis na lus nating taim olgeta ol dispela ripot i save kisim bikpela stori, bihain, ol i save go long han bilong ol arapela bikman, na i save lus nating long tingting bilong pablik.

Mista Manek, laip bilong yu em i bikpela samting long yu na famili bilong yu.

Tasol long mipela ol arapela manmeri husat i laikim gutpela taim na gutpela sindaun long kantri bilong yumi, husat i no laikim ol kain kain pasin stil ol manmeri i save mekim, laip bilong yu em i bikpela samting tru.

Mipela i gat bikpela bilip long yu na opis bilong yu, bai yu ken stiam mipela na kantri, i go bek long rot i klia, we i nogat stil pasin, na we husat ol man bilong tudak i hait na traim long pasim rot na wok bilong yu, i ken kamap long ai bilong san, na long han bilong samting yumi kolim jastis.

Pairap bilong gan i no inap daunim bilip na strong bilong tingting bilong mipela long gutpela pasin i mas winim pasin stil.

Mipela stap wantaim yu.



Pawa bilong husat i moa? ...Gavana o Nesenel Kot

LUK olsem tupela kain Lo i wok long bamim tupela yet go kam insait long kantri bilong yumi Papua Niugini.

Mi no loya tasol skelim bilong mi long dispela tupela Lo i no stret long tingting bilong mi.

Taim gavman bin kamapim Lo bilong rausim olupela provinsel gavman sistem na kamapim Provinsel na Lokol Level Gavman sistem, dispela Lo i no kliaim gut wok na pawa bilong ol gavana bilong provins.

Rifom sistem i oraitim vot i nogat bilip long kamap long ol gavana, tasol husat tru bai sanap long dispela sia. Ol kaunsel presiden o ol open memba bilong palamen tasol? Bihain Lo i senis gen na tok em ol nesenel memba tasol ken kamap gavana bilong provins sapos asembli i rausim gavana long vot nogat bilip.

Nau nupela Lo kamap gen na tok olgeta kaunsel presiden i no inap sindaun long asembli moa. Em ol nesenel memba tasol. Ol presiden ken go bek na ranim wod o konstetuensi bilong ol.



Orait Manus provins i gat tupela man tasol bai ranim Haus Lapan, long Nu Ailan em tripela man tasol ranim asembli, Oro em tripela man tasol ranim provinsel asembli, Sandaun provins em 5-pela man tasol, Bogenvil em 4-pela tasol, Morobe em laki bikos ol 10-pela memba we i planti liklik long kisim planti tingting na skelim gut long mekim disisen bilong provins.

Nau yumi laik lukluk gut long wok na pawa bilong gavana bilong provins bikos em man husat i winim rijinal sit. Taim dispela man i winim rijinal sit, em kamap gavana bilong provins nating tru. Nogat tok long dispela.

Tasol wanpela nupela samting mi skelim we i no stret tumas em, taim Nesenel Kot i rausim gava-

vana long dispela rijinal sit em bin winim long ileksen em bai go we nau?

Yumi lukim sampela kot bilong ileksen bin kamap pinis agensim ol gavana bilong ol provins olsem Madang, NCD na Westen Hailans. Long NCD em kot bin kamap na Gavana Powes Parkop winim kot na go het long wok bilong em olsem gavana. Tasol long Westen Hailans na Madang, kot painim asua long ileksen bilong ol na mekim disisen olsem ol no moa gavana. Ating nem gavana em nem tasol bilong man na posisen tru wantaim pawa we em win long en em Rijinal memba.

Olsem na sapos Kot bin tok olsem gavana bilong Westen Hailans Tom Olga na gavana bilong Madang Sir Arnold Amet i no moa gavana orait dispela hat bilong gavana i raus nau. Dispela hat bilong gavana i raus wantaim ol pawa bilong en. Tupela ken go kam long Kot gen na apil long dispela disisen bilong kot. Tasol yumi lukim olsem tupela i raus, tu-

pela stap yet long opis bilong gavana na holim dispela pawa stap yet. Tasol tupela i no save go sindaun long palamen miting bikos kot i rausim tupela pawa.

Askim nau em, wanem kain Lo ken gen i tok tupela ken stap olsem gavana na mekim wok long opis na holim yet dispela pawa? Tom Olga stap yet long opis na yusim dispela pawa bilong ranim edministresen, mekim fainensel disisen, mekim ol bikpela disisen bilong provins na pait yet long kot na winim bek dispela hat bilong gavana. Gavana Amet i no yet tasol em gavana yet.

Inap wanpela Lo bilong Ogenik Lo bilong Provinsel na Lokol Level Gavman o wanem Lo bilong Provinsel Gavman we i sut stret long pawa na atoriti bilong Gavana o Rijinal memba i mekim klia long dispela?

Planti pipel i paul long dispela bikos dispela i soim olsem Kot i nogat pawa. Gavana i gat pawa.

WANTOK

Published Weekly, Thursday, for Word Publishing Company, Ltd. P.O. Box 1982, Boroko, NCD Papua New Guinea

Telephone: (675) 325 2500 Fax: (675) 325 2579

Email: editorial@wantok.com.pg

Pe bilong wanpela yia 52 niuspepa

Ples:	Air:
PNG	K220.00
AUSTRALIA	US\$110.00
ASIA PACIFIC na JAPAN	US\$150.00
AMERICA na EUROPE	US\$210.00

General Manager Elizabeth Kongo

Editor Neville Choi

Published at Section 55, Allotment 3 Office 2, Waigani Drive.

Word Publishing Company Limited is owned by the four major churches of Papua New Guinea - Catholic 50%, Lutheran 25%, Anglican 10%, United Church 10%. The company reserves the right to accept or reject any advertisement or other material submitted for publication which it deems contrary to the public interest at its absolute discretion. The publisher's general terms acceptance are available at Word Publishing Company Ltd and are set out full on the display advertising form.



TOK PISIN NEWS
from Radio Australia
radioaustralia.net.au

Harim TOK PISIN long
Radio Australia
101.9FM
Port Moresby

Tok Pisin Service
6am - 7am 6080; 7240(KHZ)
7pm - 9pm 5995; 6020; 9710; 1280(KHZ)

Filipins traim kisim aut ol pipel klostu long maunten paia

WANPELA wok bilong helpim na kisim aut planti tausen pipel na i go sindaunim ol long seif eria long Filipins i wok go het nau long mayon volkeno o maunten paia insait long Albai provins long Sentral Filipins i wok long soim ol sain olsem em bai pairap.

Shirley Escalante i ripot olsem Gavana bilong Albai provins, Joe Salceda i tok, maski pipel i laikim o nogat, ol bai pusim na kisim aut samting olsem 9,000 pipel i stap raunim Mayon volkeno.

Ol lokol opisal long hap i wok skelim tingting nau long kisim aut narapela 30,000 pipel husat i ken bungim hevi bihain long ol posin nogut i kapsait i kam aut long dispela maunten paia.

Ol i pasim pinis nau sampela long ol skul, na ol bai yusim ol dispela klasrum olsem ol ivekuesen senta.

Ol lain volkanolojis i bin putim aut ol tok lukaut long mak level 3, i min olsem dispela maunten paia i rere tru long pairap.



PAIA I RON: Maunten Mayon (inset), namba tri bikpela volkeno o maunten paia long saut bilong Manila long Filipins, em ol mansave i tok em i redi long pairap nau. (AAP Poto)

RONAWE: Ol lain i stap sindaun raunim as bilong maunten Mayon, em wanpela maunten paia, i lusim ples long Tunde dispela wik, bihain long las bikpela tok lukaut i kamap na tok maunten paia i wok redi long pairap. Long mun Desemba, 2006, ol sit bilong paia i sut i kam aut na i bin pulim bikpela ren na win i bin kilim moa long wan tausen manmeri i stap sindaun raunim dispela maunten paia. (AAP Poto)

Australia i wari long “ol i sutim” bilong PNG Sif Ombudsman

FOREN Minista bilong Australia, Stephen Smith, i bin autim bikpela wari bilong em long pasin sampela pipel i bin laik mekim long sutim Sif Ombudsman bilong Papua Niugini, long samting ol i tok pipel i bin traim long kilim em.

Long las wik Fraide nait, sampela lain man i bin sutim Chronox Manek long solda bilong em bihain long tripela man watnaim pistol i bin banisim

kar bilong em.

Polis Komisina bilong Papua Niugini, i bin tok dispela sutim i mas bihainim ol wok bilong Mista Manek olsem Sif Ombudsman, we em i bin go pas long bikpela wok painim agensim ol pasin korapsen.

Mista Smith i bin tok ol opisal bilong Australia bai wok klostu wantaim ol opisal bilong Papua Niugini long mekim wok painim long dispela trabel.

Fiji kamapim tok orait bilong ekonomi wantaim EU na PNG

FIJI nau i kamapim tok orait long wok-bung long ekonomi wantaim Yuropien Yunion na Papua Niugini.

Dispela tok orait i min prais bilong Fiji suga bai stap long gutpela mak na bai noken go daun.

Gavman bilong Fiji i bin tok Piseris i narapela bisnis bai inap kisim gutpela sapot long dispela tok orait.

Na nau ol i wok long holim toktok long kamapim nupela tok orait long kisim ples bilong olupela Cotonou Agrimen em Fiji i memba long en, olsem hap bilong Afrika Karibien na Pasifik blok.

Dispela agrimen Fiji i tok bai inap long strong bilip bilong ol husat kantri em ol i laik go invest long Fiji

Fiji interim gavman klostu kamapim lo bilong kontrolim midia

Fiji interim gavman klostu bai kamapim narapela lo we ol i tok em bai was gut long ol niuslain i no raitim gut ol ripot.

Wanpela woknius long hap i tok, klostu tru dispela nupela lo bai stat wok.

Dispela em narapela senis gen namei long ol narapela senis interim gavman i bin kamapim stat yet long yia 2006 ku.

Ol wok nius bilong Fiji i wok long wok

aninit long ol strongpela rul na tambu we ol memba bilong dispela gavman i save go na sekim pastaim ol stori long ol woknius, pastaim long ol i ken pablisim.

Dairekta bilong The Myer Foundation Melanesia Progrem long Lowy Institut long Sidni, Jenny Hayword-Jones i tok, i nogat ol samting bilong soim olem ol woknius i bin kamapim ol trabel insait long Fiji.

Australia gavman i bungim ol kros long carbon emisin

PRAIM Minista bilong Australia, Kevin Rudd, i no bin laik harim ol kros i bin kamap olem gavman bilong em i bin giman long ol ripot bilong em long kabon emisin.

Niusmeri long Kenbera, Susan McDonald i bin ripot, Australia wok long tok-tok strong long konpres long Kopenhagen olem i mas gat nupela lo i lukautim kabon i kam long graun em ol fama i yusim.

Ol lain long dispela konpres i bin askim olem polusen i kam long bus em pipel i klarim ol i noken takis long en tasol

sapos pipel i storim ol kabon ol i mas takis long en. Lida bilong Australia Greens pati, Bob Brown i bin tok Australia i wok long daunim ol tingting long kamapim wanpela tok orait bilong klaimet senis.

Tasol Praim Minista Kevin Rudd i sanap strong long tingting bilong gavman bilong em. Kevin Rudd i go bek pinis long Kopenhagen.

Na i bin givim tok lukaut olem em i no save wanem gutpela samting bai kamaut long konpres.

Hevi bilong nogat pawa i bikpela wari long Fiji

HEVI bilong pawa saplai na sampela bagarap long ol samting ol i tok i kamap nau taim bikpela saiklon i ron antap long bikpela ailan bilong Fiji, Viti Levu, we bikpela ren na strongpela win i kamap wantaim.

I gat tu ripot bilong pipel i dai taim saiklon Mick i mekim ron bilong em antap long kantri.

Na ol i tok tu olem dispela strongpela win i ron i go olem long saut wes bilong kantri, i go long ol eria bilong kantri em planti pipel i stap long en. Dairekta bilong Fiji weda opis, Rajendra Prasad i bin tokim Redio Australia, i gat ol bagarap pinis long ol samting na busgraun samting.

Don Poyle i winim bek sia bilong em

WANPELA long ol olupela deputi praim minista bilong Papua Niugini, Don Polye, i luk olem bai winim bek sia bilong em bilong Kandep, bihain long ol vout bilong bai ileksen em nau tasol ol i pinisim.

Pot Mosbi niusman, Firmin Nanol, i bin ripot Don Polye, husat i bin winim sia bilong Kandep long Enga provins long 2007 ileksen long Papua Niugini, i kot i bin rausim, bihainim gutpela salens bilong ol kendidet i lus long ol toktok

olsem i gat sampela paul pasin i bin kamap long we pipel i bin vout.

Papua Niugini Ilektral Komisnin i bin holim bai ileksen las mun, em i bin kamap wantaim ol trabel we ol samting i bin bagarap.

Long ol risal bilong ol vout em ol i kaunim pinis, Don Polye i gat nau samting olem 18,000 ol vout we em i bin winim man i klostu long em, Alfred Manasseh, husat i gat 8,000 wantaim tupela balot bokis ol i kaunim ol pinis.

Ol opisal bilong ileksen i bin tok ol vout bilong dispela tupela bokis i no inap kamapim bikpela senis long wanem Mista Polye i abrusim pinis namba bilong vout bilong 50 pesen em i dilim long win.

Long 2007 ileksen, Mista Polye i winim long bikpela namba stret long namba wan raun bilong ol vout bihainim dispela nupela Limitet Preferensal sistem bilong vout.

Don Polye em i Nesenel Alaiens pati lida bilong Hailans rijen.

Klaimet Senis i kamapim wari long pis na gaden kaikai

WANPELA wok painim bilong Fud na Agrikalsa grup bilong Yunaitet Nesens i bin painim olem bisnis bilong pis long Pasifik na agrikalsa i wok long bungim bagarap i kam long klaimet senis.

Dispela ripot i bin tok ol liklik ailan kantri, em laip bilong ol pipel i save strong long pis na agrikalsa long samting olem hap mak bilong ol enimal protin ol i save kisim, nau i luk olem bai ol i bungim bikpela bagarap.

Ol i bin painim tu olem ol bisnis bilong pis tu i bungim hevi, long wanem moa pipel i laik painim pis na dispela i mekim namba bilong ol pis i go daun, i nogat gutpela menesmen, na ol i no save long we bilong stretim ol hevi em klaimet senis i kamapim.

Sif bilong Piseris na Menesmen na Konsavesen Sevis, Kevin Cochraine, i bin tok Klaimet Senis i wok long kamapim ol kain kain hevi



Taitwara long Fiji

PUL LONG BRIS: Jonasa Rokotuiwasa, (raithan), wantaim pikinini meri bilong em Miliana Wati, (namel), na liklik boi bilong em Jonasa i sindaun long kanu mambu na pul antap long wanpela bris long Kasavu long ples Nausori long Fiji long Tunde dispela wik. Wanpela bikpela saiklon i bin pundaun antap long Fiji na i kamapim haiwara, brukim ol haus na daunim ol pawa lain. Tripela manmeri i bin dai. (AP Poto i kam long AAP Images)

Vanuatu gavman i lus gen long rausim spika bilong palamen

GAVMAN bilong Vanuatu i bin lus gen long rausim spika bilong palamen.

Klostu long wanpela mun nau – spika bilong Vanuatu palamen Maxime Carlot Korman i bin stap aut long gavman bihainim wanpela senis long cabinet – tasol em i wok long go het long pasim ol dibeit bilong rausim em. Alain Simeon bilong Vanuatu Brodkasting i tok tude olem taim ol i wok long wetim tingting bilong kot long em i bin pasim palamen long las wik, nau tu em i wok long go het long pasim ol dibeit. Kibung bilong palamen i go het bihain long kot i givim aut tingting long Mista Carlot Korman i bin traim long pasim rot bilong ol rausim em long sia bilong spika.

Pacific BEAT

4, 5, 6am & 4pm, 5pm including sport

Listen to Radio Australia 101.9FM Port Moresby

Radio Australia current affairs programme which focuses on island nations, bringing you morning and evening coverage of Pacific current affairs including interviews with political leaders, newsmakers, and the people who make the Pacific beat.



BUNGIM BIRUA LONG WESAN : OL saveman i makim longpela bilong dipela welpis we i bin kam antap long nambis long haiwara, na i no inap go bek long biksolwara. Dispela nambis em long Foce de Varano long Foggia siti long sauten Itali. Sevenpela welpis i bin sua, na long dispela, foapela i dai. (EPA Poto i kam long AAP Images)

TOKAUT STRET: OL manmeri bilong Greenpeace i hait na go antap long Opera Haus long Sidni, Australia, long hangamapim dispela bikpela hap pepa i tok 'Stopim Politik, Kamapim Klaimet Triti Nau'. Dispela faivpela lain Greenpeace husat i bin hangamapim dispela laplap, em polis i holim ol pinis na sasim ol. (Poto i kam long AAP Images)



FAIVPELA-MAN WILWIL OL lain i sindaun antap long wanpela faivpela man wilwil na raun long Kopenhagen (Copenhagen) long Denmark. Dispela em i wanpela promosen bilong strongim tingting bilong ol manmeri long lusim ol motobaik na kar bilong ol na ronim wilwil i go long wok. Bikpela kibung bilong klaimet senis i kamap nau long Kopenhagen. (AP Poto i kam long AAP Images)



SAVE KILIM EM; DISPELA poto i soim wanpela nupela kain urita we ol saveman bilong glasim ol abus bilong solwara i tok em i namba wan taim ol i lukim wanpela kain solwara abus olsem i yusim samting olsem sel bilong kokonas long mekim haus bilong en. Ol i tok em i bikpela samting tru. (Poto i kam long AAP Images)

Liklik haus sik i bin stat olsem wanpela liklik klinik bilong ol Lutheran sios 50 yia i go pinis.

Nau dispela haus sik kamap wanpela bikpela haus sik we i lukautim planti provins insait long Morobe.

Bustin Anzu i lukluk long Braun Memorial Haus sik we amamasim 50 yias bilong em...

Braun amamasim 50 krismas

BRAUN Memorial Rural Haus sik long Finschaffon long Morobe Provins i amamasim 50 yia bilong ol long dispela wik Tunde.

Dispela haus sik em wanpela bikpela rural haus sik long Isten sait, we save karamapim FISIKA (Finschaffon, Siassi na Kabwum) rijen na tu, save helpim ol sikmanmeri bilong narapela provins insait long kantri.

Dispela haus sik i bin stat olsem wanpela klinik bilong Lutheran Sios long pastaim tasol bihain em i kisim luksave bilong nesenel gavman olsem wanpela bikpela haus sik insait long provins long sevim olgeta manmeri wantaim kainkain sik.

Haus sik i bin stat long Desemba 15, 1958, samting olsem 51 yia olgeta. Tru de bilong makim 50 yia em long 2008, tasol i bin gat sampela senis long sait bilong mentenens olsem na ol i wet long pinisim na ol bai amamasim ol dispela senis wantaim aniveseri bilong en.

Nesenel gavman i bin givim K2m long mekim wok mentenens na wantaim dispela mani, planti samting insait long haus sik em ol i bin senisim tasol i gat planti wok yet long mekim.

Helt Minista na Memba bilong Huon Galp, Sasa Zibe, Difens Minista Bob Dadae, Memba bilong Tewai Siassi Vincent Michaels, Finschaffon MP Theo Zurenuoc, Gavana bilong Morobe Provins Luther Wenge, Provinsal Program Advaisa bilong Helt Dokta Theo Likei, Lutheran Helt Sevis Sekreteri Don Kudan, ritaia Dokta na bipo namba wan dokta bilong Braun Dokta John Hersey i bin go long lukim dispela bikpela de.

Ol asples yet i bin putim sampela singsing grup, ol drama grup na tu, wanpela singsing grup bilong Sinasina long Simbu provins tu i go daun long stap wantaim ol lain bilong Finschaffon long amamasim dispela de.

Siaman bilong Braun, Teping Maieko, i bin tok dispela haus sik i bin mekim planti senis wantaim mani we nesenel gavman i bin givim tasol ol i stil laikim sampela mani long mekim moa wok we ol i no pinisim.

Em i tok tu olsem ol ovasis misin i save komplem i kam long wanem, i nogat lokol dokta taim ol i save salim ol dokta bilong ol long narapela kantri i kam.

Em i tok ol lokol dokta i no save go joinim ol misin haus sik long wanem, sindaun i no save gutpela long holim ol



KISIM OLIGO: Wanpela singsing grup i pulim Gavana Wenge na Helt Minista Sasa Zibe i go long sten bilong mekim toktok.



lokol dokta.

Sif Edministreta Opisa bilong Braun Dokta Daniel Mock i tok dispela haus sik i bin luksave long wok bilong wanpela Amerika dokta, Braun we nau haus sik i kisim.

Dispela dokta i bin stap 48 yia long Finschaffon wantaim dispela haus sik, long wanem, em i laikim nambis,

solwara, maunten, bus, wara na antap long dispela ol manmeri. Olsem na em i stap planti yia na mekim dispela haus sik i go bikpela na sevim planti manmeri.

Em i tok tu olsem 87 pesen bilong manmeri i stap long ples na ol i nidim ol lokol dokta long kam long kain ol misin haus sik olsem Braun na helpim ol manmeri long ples.

Em i toktok tu long ol manmeri bilong Finschaffon long lukautim haus sik, ol wokmanmeri na tu ol samting insait long haus sik.

Em i tok Braun Memorial Rurol Haus sik i bin stap pinis 50 yia na ol i mas lukautim long em mas stap narapela 50 yia gen.

SOIM KLIA: Difens Minista Bob Dadae (raitan) na Helt Minista Sasa Zibe i anveilim ston we i gat raiting i stap bilong mentenens wok.

IPNGS lonsim buk bilong Musik bilong Kaulong pipel, Wes Nu Briten Provins

INSTITUT bilong Papua Niugini Stadi klostu i gat Haus o Laibri bilong manmeri i ken yusim long stadi na kisim ol toktok na tingting bilong ol samting i kamap bipo.

Dispela haus i gat ol poto, CD na tep bilong harim long ol samting bilong stadi inap long 35 yia i go pinis.

Planti buk em ol i wokim pinis bihainim stadi na toktok ol i kisim long dispela haus.

Ol samting na toktok i stap long dispela laibri i gat ol toktok na tingting long pasin na kalsa wantaim musik bilong ol i gat insait long PNG.

Sampela ol toktok i tokaut long rot ol manmeri i painim na kisim dispela ol pasin tumbuna na musik ol i kisim long em.

Long taim em i gat ol stori, toktok na musik bilong tumbuna bilong mipela em i laik bungim wantaim tu ol musik bilong narapela ol kantri i kam.

Dispela i kamap ples klia long taim Institut i lonsim nupela buk "Re-counting Knowledge in Song"-lukluk bek long ol singsing tumbuna: Soim senis i kamap long Kaulong Musik."

Dispela buk em Jemen man Birgit Druppel i raitim na Institut bilong PNG Stadi i pablisim.

Long 16 Novemba long dispela yia, eksekutiv dairekta bilong Nesenel Kalsere Komisen, Dokta Jacob Simet i lonsim dispela nupela buk.

Dispela nupela buk i toktok long husat em ol pipel bilong Kaulong na pasin bilong ol long saut kos bilong Wes Nu Briten Provins.

Long dispela em i tokaut long as bilong kamap bilong musik bilong ol manmeri bilong Kaulong wantaim ol samting ol i yusim long singsing na long bikpela singaut ol i mekim long taim bilong singsing.

Em i tokaut tu olsem taim bilong singsing i taim bilong sindaun bilong famili na komyuniti.

Em i gat ol stori bilong kamap bilong Jemen na Australia gavman na kam bilong ol misinari olsem Katolik Sios.

Kamap bilong sios tu i senisim liklik tu pasin na kalsa bilong ol pipel bilong Kaulong.

Ol manmeri i lusim laik bilong ol long pasin tumbuna na i nogat moa bikpela tingting long bihainim pasin tumbuna.

Dispela kain lukluk i mekim dispela ol busmanmeri i laik senis na kam long nambis na save long ol pasin bilong nambis manmeri.

Bikos long dispela ol i kisim sampela nek bilong singsing long ol pipel bilong Kilenge em singsing tumbuan (Wes Nu Briten yet) na Siassi long singsing sia (Morobe Provins).

Bihain long dispela ol Kaulong i lain long singsing kwaia (choir) na bihain long Independens i lain long



pilai stringben.

Long wanpela toktok ol i mekim long makim maus bilong Druppel husat i go bek pinis long Jemen long tok long ol manmeri bilong Kaulong em i tok: "Ol Kaulong i painim wanpela rot long bungim tingting bilong ol wantaim ol nupela tingting ol i kisim long ausait."

"Sapos ol i lusim luksave ol i gat long ol yet na ol samting ol i gat long en ol bai lusim ol yet na olgeta pasin tumbuna ol i gat long en."

Druppel i wanpela man long wol husat i save raitim stori bilong ol lokol musik bikpela wan wan komyuniti na pasin kalsa bilong ol.

Long 1991 dispela meri i go na stap wantaim ol manmeri bilong Kaulong na i lainim pasin kalsa na kastom bilong ol wantaim musik bilong ol.

Mama karim Druppel long Dusseldorf, Jemen long 1961. Em i skul long musikoloji na etnomusikoloji long Yunivesiti bilong Cologne.

Long dispela taim em i skul wan-

taim narapela saveman em Profesa Dokta Gunther na i skruim skul bilong en long Yunivesiti bilong Berlin wantaim Profesa Dokta Kuckertz.

Em i mekim Mastas Digri bilong em long izeze (spike fiddle) long musik long Tanzania.

Bihain long em i kam long Nu Silan long 1991, Birgit i kisim risets long musik bilong Papua Niugini na i raitim buk na kisim Dokta Digri bilong em long Yunivesiti bilong Auckland, Nu Silan bihainim wok painim em i mekim.

Bihain long dispela em i tisim musik long Somerset Koles long Gold Kos (Coast), Australia.

Don Niles husat i wanpela Etnomusikolojis na husat i bin helpim Druppel long raitim dispela buk i tok tenk yu long Druppel long em i kamapim buk we bai was na banisim dispela musik bilong ol Kaulong long em i no ken pinis o sampela manmeri i stilim pasin bilong ol.

IPNGS i wanpela hap bilong Nesenel Risets Institut we askim i stap long en long em i skruim gut dispela wok bilong painim na lukautim musik bilong ol manmeri bilong Papua Niugini.

"Stat long taim bilong kamap bilong Institut long taim Papua Niugini i kisim Independens tu, dispela opis i givim olgeta taim bilong en

long wok bilong mekim wok painim na givim go aut ol toktok i stap insait long dispela opis," Niles i tok.

Niles husat i tok long kamapim wanpela Nesenel Entem bilong kantri nau yet i Ekting Dairekta bilong IPNGS na hetman bilong Musik Dipatmen long Yunivesiti bilong Papua Niugini.

Long taim bilong toktok Niles i tok long Ogas, 2009 IPNGS i bin givim aut ol buk we i soim kalsa na musik bilong ol manmeri na we kos bilong ol i stap long K12,00 em Institut i givim long 235 sekondari skul long kantri.

Dispela i bihainim plen bilong Karikulum Developmen na Asesmen Divisen bilong Dipatmen bilong Edukesen.

Na IPNGS i lukluk go het long skruim kain wok olsem.

"Sapos wanpela sumatin i ritim ol buk bilong mipela na i amamas o bel hat na i laik raitim poem, sotpela stori, pilai, novel, rekotim ol toktok ol manmeri i mekim, o danis, musik na ol dro ol manmeri i mekim, mi ting helpim mipela i mekim i karim kaikai."

"IPNGS i wok bung wantaim Australia Nesenel Yunivesiti long em i mas gat sampela piksa bilong ol samting bilong Institut na i stap long intanet long ol manmeri i ken yusim long stadi."

"Dispela ol samting i stap long namba wan jonel bilong IPNGS

(Gigibori), em sampela ol toktok i kamap long Diskasen Pepa we ol i kolim Bikmaus," Niles i tok.

Niles i tok ol samting IPNGS i mekim i helpim long holim bek ol pasin tumbuna bilong Papua Niugini.

"Save bilong tumbuna i bikpela samting long Papua Niugini na dispela tu i ken lus isi sapos kantri i no lukautim gut."

"Save na toktok i save bringim gutpela tingting na rispek long wan wan komyuniti bilong Papua Niugini."

"Wantaim dispela ol samting, IPNGS i hop long putim gutpela was long ol," Niles i tok.

Wantaim planti ol arapela buk na stori bilong Papua Niugini Instiut i gat piksa bilong ol singsing bilong Spirit bilong Yamada Yoichi: Saund bilong Etnograpi long Is Sepik, Papua Niugini Sosaiti, 1997.

Dispela wok em Jun'chi Ohno i tanim i go long ol CD na DVD.

I gat bilong Kristen singsing bilong Yunaited Sios long Duke ov Yok Ailans long Is Nu Briten long 1999 na ol arapela buk na jonel bilong musik na kalsa bilong PNG.

Long baim "Re-counting Knowledge in Song" em kos PGK 20.00 yu ken salim oda bilong yu long dispela imel etres ipngs@global.net.pg o ringim opis bilong IPNGS long telepon namba: 325-4644.



LUKAUTIM! Dokta Simet (lep han) i lonsim "Re-counting Knowledge in Song" taim Niles i lukluk i stap. Foto: Justin Kili

YUMIFM **Redio Program**

Program bilong Wanwan De Mande - Fraide

6am - 10am - Sankamap show - Host: KAS.T
 6:15am - Komuniti Notis Bod
 6:30am - Nius Hettains / Bondei grittings
 Trukai Rais - GES FAIA KOMPETISEN
 6:45am - Niuspepa Hettains
 7:00am - Major Nius Bulletin - YUMIFM Nius Senta
 7:15am - Toktok sapotim LO na JASTIS Sekta
 7:30am - Trukai Rais - GES FAIA KOMPETISEN
 8:00am - Major Nius Bulletin - YUMIFM Nius Senta
 8:15am - Stori b'long Skelim Tingting

8:30am - Trukai Rais - GES FAIA KOMPETISEN
 9:00am - Nius Bulletin - YUMIFM Nius Senta
 9:15am - Luksave long Komuniti (Redio Pilai)
 9:30am - Trukai Rais - GES FAIA KOMPETISEN
 9:45am - YUMI PAINIM WOK Segment
 10:00am - Nius - YUMIFM Nius Senta
 10am - 2pm - Monin Trek na Belo Pack - Host: VAVIESSIE
 10:10am - Lukatim yu yet - Helt toktok - RH Hyper Mart
 10:45am - YUMI PAINIM WOK Segment
 11:00am - Nius - YUMIFM Nius Senta
 11:10am - Cont'd - Lukauti yu yet - Helt toktok
 11:30am - Nius Hettains b'long Belo Taim
 12:00pm - Major Nius Bulletin - YUMIFM Nius Senta
 12:10pm - BELO Taim - wantaim sapot b'long TELIKOM
 12:15pm - Komuniti Notis Bod
 12:20pm - BELO Taim - wantaim sapot b'long TELIKOM
 1:00pm - Nius - YUMIFM Nius Senta
 1:10pm - BELO Taim - wantaim sapot b'long TELIKOM

2:00pm - Major Nius Bulletin - YUMIFM Nius Senta
 2pm - 6pm - Avinun Draiv Taim - Host: Enjo Dabix
 2:00pm - 4:00pm (Tunde / Fonde) TOKAUT TOKSTRET
 2:45pm - YUMI PAINIM WOK Segment
 3:00pm - Nius - YUMIFM Nius Senta
 3:10pm - Avinun cruz
 4:00pm - Nius - YUMIFM Senta
 4:10pm - "FOAPELA KAM GUD LONG 4"
 4:30pm - Nius Hettains
 4:45pm - YUMI PANIM WOK Segment
 5:00pm - MAJOR NIUS BULLETIN - YUMIFM Nius Senta
 5:10pm - 6:00pm - FLAME KULCHA (1 hr) listeners request
 6:00pm - MAJOR NIUS BULLETIN - YUMIFM Nius Senta
 6 - 7pm - Maggi noodles request aua
 6pm - 00am - NAIT BEAT - Host: ANGRA KENNEDY
 6:10pm - 7:00pm Mun kamap sho
 6:45pm - Komuniti Notis Bod
 7:00pm - 9:00pm - COCA COLA GARAMUT

9:00pm - 00am - Nait Beat - Isi Cruz long nait
 00am - 6am - BRUKIM TULAIT SHOW - Host: Papa Raegs / Sally / Nenge
 00:00 - Early Monin Taim Cruz (ol lain brukim tulait shift)
 - Musik / Request / Tok pilai
 - Kipim Kampani long ol nait shift.
Weekend Shift - Saturday & Sunday
 6:00am - 11:00am - Wiken Sanrais
 6:30am - Komuniti Notis Bod - Bondei grittings
 7am - 9am - Wiken Spots
 9am - 11am - Monin Raun
 11am - 1pm - National Weekly Hit Parade (Host Kas.T)
 2pm - 6pm - Sarere Avinun Draiv
 6pm - 00am - Nait Beat (Host Angra Kennedy)


YUMIFM POROMAN TEAM:
 Turner (KAS.T) Arifee - Team Leader / Program Director
 Angra KENNEDY - Senior Announcer

Raun wantaim Wantok

Missing in Action Lonsing...



Uralom Kania



Lenard Kania

93FM YUMIFM
National Weekly Hit Parade:

Sponsor: Digicel - bigger, better network
 Produced & Host by: Kas.T
 Statistics: Enjo Dabix & Poroman Crew

Week Ending: Saturday - 12th December 2009

WB	LW	TW	C/Song:	Artist:
3	3(6)	1	U say	BJ Nagura
2	2	2(6)	Mori e	BJ Nagura
4	4	3	Olsem Kain Mahn	David Rangas
9	6	4	Bungim yu	Leonad Kania ft Potts
1	1(5)	5	Pretty Girl	BJ Nagura
17	12	6	Stella	Brixie ft Marken
5	5(6)	7	Fairy Tale	Apox
14	10	8	Red Rose	Leonard Kania
13	13	9	Kisim Bus	Awax
7	8	10	Egu Lalogau	Gou Gaoma
15	11	11	Kudougu	Charlotte
6	7	12	Awong	Satsco Neps of Kabwum
0	18	13	Solo Pasis	Young Isles
8	9	14	Afore	Seth Mahn
12	14	15	Lokitoitoe	Pitz
10	15	16	Pasin Barata	Twin Tribe
11	16	17	Steady Lewa	Choke band
16	17	18	Aelan Meri	Texas Allen
18	19	19	Point Five	Choke Band
20	20	20(5)	Hiffzz Medley	Malahiffzz

Song In: NIL
 Song Out: NIL



Missing in Action kru wantaim Vaviesi bilong Yumi FM.

RADIO AUSTRALIA TOK PISIN PROGRAM
 HARIM LONG: 101.9 FM

Radio Australia Tok Pisin Program - MANDE

Moning - Nait

6AM Stesen Op - Nius Hettain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hettair na Program Priviu
 7.15PM Spots
 7.30PM Nius na Karent Afes
 8PM Helt
 8.15PM Musik
 8.30PM NUIS
 8.40PM Spots Riplei
 8.55PM Musik
 9PM Stesen Pas

TUNDE

Moning - Nait

6AM Stesen Op - Nius Hettain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hettair na Program Priviu
 7.15PM Musik na Chit-Chat
 7.30PM Nius na Karent Afes
 8PM Mama Graun
 8.15PM Musik/Spots
 8.30PM NUIS
 8.40PM Helt Riplei
 8.55PM Musik
 9PM Stesen Pas

TRINDE

Moning - Nait

6AM Stesen Op - Nius Hettain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hettair na Program Priviu
 7.15PM Musik na Chit-Chat
 7.30PM Nius na Karent Afes
 8PM Youth
 8.15PM Musik/Spots
 8.30PM NUIS
 8.40PM Mama Graun Riplei
 8.55PM Musik
 9PM Stesen Pas

FONDE

Moning - Nait

6AM Stesen Op - Nius Hettain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hettair na Program Priviu
 7.15PM Musik na Chit-Chat
 7.30PM Nius na Karent Afes
 8PM Youth
 8.15PM Musik/Spots
 8.30PM NUIS
 8.40PM Helt Riplei
 8.55PM Musik
 9PM Stesen Pas

FRAIDE

Moning - Nait

6AM Stesen Op - Nius Hettain - Musik na ol intaviu
 6.30AM Nius na Karent Afes
 7AM Stesen Pas
 7PM Stesen Op
 7.01PM Ol Hettair na Program Priviu
 7.15PM Musik na Chit-Chat
 7.30PM Nius na Karent Afes
 8PM Vanjok
 8.15PM Musik
 8.30PM NUIS
 8.40PM Youth Riplei
 8.55PM Musik
 9PM Stesen Pas

SARERE

Nait
 7PM Stesen op - Ol Nius Hettain/Program Priviu
 7.05PM Musik na Chit Chat
 7.30PM Nius
 7.40PM Wantok
 8PM Lokal Ben
 8.30PM Nius
 8.40PM Musik/Chit Chat
 9PM Stesen Pas

SANDE

Nait
 7PM Stesen op - Ol Nius Hettain/Program Priviu
 7.05PM Musik na Chit Chat
 7.30PM Nius
 7.40PM Femili Blong Serah (Redio Ple)
 8PM Lukluk Bek Long Wlk
 8.30PM Nius
 8.40PM Musik/Chit Chat

TV GAID

FONDE DESEMBA 17, 2009

5.00AM	G	JOYCE MEYER - Religious Program
5.30AM	G	TODAY
9.00AM	G	MALOLO CLUB
Holiday school specials - keep your kids entertained throughout the holiday season. Join Dora the Explorer on her many adventures; new gadgets on Cybershak; The Saddle Club, Madigan's Quest, the fun and energetic Rock Eisteddfod competition, movies and lots more		
11.59PM		STATION RE-OPEN
12.00PM	G	3RD TEST
DAY 2: AUSTRALIA v WEST INDIES		
Join your expert commentary team for all the cricket action from the Wacca, Perth, Australia.		
2.30PM	G	THE CRICKET SHOW
Join Simon O'Donnell for all the latest news, updates and analysis of the day's play along with special guests live in the studio.		
6.00PM	G	NATIONAL EMTV NEWS
6.30PM	G	AUSTRALIA v WEST INDIES
.....continues.....		
6.59PM		NEWS UPDATE IN TOK PISIN
7.00PM	PG	AUSTRALIA'S FUNNIEST HOME VIDEOS - DAILY EDITION
7.30PM	PG	ELITE MUSIC ZONE
7.57PM		EMTV TOK SAVE
8.00PM	PG	WWE AFTERBURN
9.00PM	M	ADULTS ONLY 20 TO 1: "Pranks & Pranksters"
10.00PM	M	THE STRIP
11.00PM	G	NATIONAL EMTV NEWS REPLAY
11.30PM		Australia Network

FRIDAY, 18 DECEMBER 2009

5.00AM	G	JOYCE MEYER Religious Program
5.30AM	G	TODAY
9.00AM	G	MALOLO CLUB
Holiday school specials - keep your kids entertained throughout the holiday season. Join Dora the Explorer on her many adventures; new gadgets on Cybershak; The Saddle Club, Madigan's Quest, the fun and energetic Rock Eisteddfod competition, movies and lots more		
11.00AM		AUSTRALIA NETWORK
11.59PM		STATION RE-OPEN
12.00PM	G	3RD TEST
DAY 3: AUSTRALIA v WEST INDIES		
Join your expert commentary team for all the cricket action from the Wacca, Perth, Australia.		
2.30PM	G	THE CRICKET SHOW
Join Simon O'Donnell for all the latest news, updates and analysis of the day's play along with special guests live in the studio.		
3.00PM	G	AUSTRALIA v WEST INDIES
.....continues.....		
5.00PM	G	HOT SOURCE
5.29PM	G	EMTV NEWS UPDATE
5.30PM	G	AUSTRALIA v WEST INDIES
.....continues.....		
5.55PM	G	CRIME STOPPERS
6.00PM	G	NATIONAL EMTV NEWS
6.30PM	G	AUSTRALIA v WEST INDIES
.....continues.....		
6.59PM		NEWS UPDATE IN TOK PISIN
7.00PM	G	IN MORESBY TONIGHT
7.27PM		EMTV TOK SAVE
7.30PM	PG	AUSTRALIA'S FUNNIEST HOME VIDEOS - DAILY EDITION
8.00PM	PG	SECRET MILLIONAIRE

competition, movies and lots more

9.00PM	M	20 TO 1: "World's Funniest People"
10.00PM	M	GREY'S ANATOMY
11.00PM	G	EMTV NEWS REPLAY
11.30PM		Australia Network

SARERE DESEMBA 19, 2009

11.59PM		STATION RE-OPEN
12.00PM	G	3RD TEST
DAY 4: AUSTRALIA v WEST INDIES		
Join your expert commentary team for all the cricket action from the Wacca, Perth, Australia.		
2.30PM	G	THE CRICKET SHOW
Join Simon O'Donnell for all the latest news, updates and analysis of the day's play along with special guests live in the studio.		
3.00PM	G	AUSTRALIA v WEST INDIES
.....continues.....		
5.30PM	G	SPEED MACHINE
5.30PM	G	MXTV
6.00PM	G	NATIONAL EMTV NEWS
6.30PM	G	AUSTRALIA v WEST INDIES
.....continues.....		
7.27PM		EMTV TOK SAVE
7.30PM	G	MORESBY TONIGHT
8.00PM	PG	GHOST WHISPERER

THE PURSUIT (1-hour season finale)

9.00PM	PG	THE PURSUIT (1-hour season finale)
9.30PM	PG	ELITE MUSIC ZONE
10.00PM	M	GREY'S ANATOMY
11.00PM	G	NATIONAL EMTV NEWS REPLAY
Australia Network		

SANDE DESEMBA 20, 2009

6:30AM	G	IT IS WRITTEN
It Is Written is an international, Christian television ministry dedicated to sharing insights from God's word with people around the world.		
7.00AM	G	HILLSONG
7.30AM	G	TODAY ON SUNDAY
8.30AM	G	TOTAL RUGBY
9.00AM		AUSTRALIA NETWORK
11.59PM		STATION RE-OPEN
12.00PM	G	3RD TEST
DAY 5: AUSTRALIA v WEST INDIES		
Join your expert commentary team for all the cricket action from the Wacca, Perth, Australia.		
2.30PM	G	THE CRICKET SHOW
Join Simon O'Donnell for all the latest news, updates and analysis of the day's play along with special guests live in the studio.		

B	A	L	E	O	T	A	I	M	U	X	C	T	R	A	I	L
B	H	Y	I	G	B	R	X	R	B	P	N	M	F	R	E	D
K	X	F	U	W	F	L	E	N	K	A	E	P	R	J	I	R
D	R	O	P	A	U	T	U	B	Z	N	G	S	I	X	T	O
I	W	W	I	A	K	J	G	H	E	R	U	I	K	S	A	R
D	Q	A	F	L	I	O	P	U	O	P	S	A	I	T	K	E
R	X	T	U	E	E	H	H	T	B	S	E	Y	K	R	O	H
E	T	E	L	B	A	X	T	W	E	Z	E	R	O	A	L	A
H	W	E	B	Y	S	E	S	I	S	K	R	A	M	I	P	P
H	D	I	E	H	U	A	T	Y	B	V	S	W	I	K	R	B
K	U	S	K	F	P	X	Z	S	W	T	K	I	U	A	F	E
L	I	K	I	T	P	W	I	N	U	G	O	L	H	S	B	K
P	S	Z	A	F	T	U	I	C	E	U	S	O	E	X	Y	P
W	I	W	J	C	J	O	U	S	H	U	A	Y	H	L	I	G
X	O	E	F	C	P	Y	U	F	H	G	S	X	E	F	J	
F	V	H	J	K	U	O	Y	E	I	A	S	I	P	L	K	T
D	R	O	P	K	I	K	N	E	L	O	B	L	O	K	I	M

Painim el dispela toktok bilong Ragbi:

BAL	FEA KETS	FULBEK	OPSAIT	TRAIL
BLOKIM	FIL	GOL	PAN	TAKOL
DRO	FRI KIK	HAP BEK	POIN	
DROPKIK	FOWAT	HUKA	SKRAM	
DROPAUT	FOWAT PAS	KOSA	STRAIKA	
FAUL	FLENKA	LIG	TAIM	

TORO

BIABIA

KANAGE

				1	8	6	7
2							
	6	8		4		2	1
8		2			3	7	
	5						3
		3	9			6	4
	8	5		7		3	2
			9	8			6
9	4	6	1				

SUDOKU bilong las wik isu...

5	9	7	6	4	1	8	3	
1	8	3	7	2	1	4		
1	4	8	3	5	2	6	9	7
9	7	8	1	3	4	2	5	
8	1	2	4	8	7	9	5	
4	5	3	2	9	8	7	6	1
7	2	9	8	4	3	5	6	
5	3	9	7	1	8	2	4	
6	8	4	2	3	1	7	9	

PAINIM NEM bilong las wik isu...

B	A	L	A	N	G	B	Y	P	F	T	U	F	L	N	K
F	E	R	S	B	L	V	S	E	N	N	U	V	D	J	O
S	W	I	L	E	K	E	N	C	B	L	T	S	O	N	
G	O	L	I	E	E	Z	U	L	M	S	E	E	A	I	A
I	I	P	G	S	N	E	L	K	W	G	N	E	K	Z	H
G	O	L	J	U	S	E	E	A	D	A	G	E	M	F	I
I	R	E	R	I	E	S	T	R	A	L	E	A	A	D	P
A	F	I	L	D	A	S	S	E	N	F	W	M	G	W	L
T	R	A	S	H	A	B	A	D	F	A	U	L	N	A	F
T	U	G	I	S	N	D	P	O	L	A	N	V	E	T	H
A	T	W	U	S	L	U	S	N	T	E	S	B	W	J	S
S	A	L	I	M	B	A	L	T	T	I	S	A	L	A	T
P	I	A	F	N	Y	E	U	A	O	R	L	F	S	U	I
D	U	D	E	F	R	I	S	K	I	S	A	A	F	M	
A	I	S	L	E	S	T	S	I	N	T	T	M	F	I	R
M	I	S	R	E	F	E	R	S	V	S	E	I	A	E	R
S	E	N	T	S	I	M	P	L	A	T	A	D	K	L	

TOKWIN...

Media Awots nait...
 Media Awots nait i kam gut tru aste long nait we planti ol ripotas long print, redio na televisen i kisim luk-save long wok bilong ol.
 Tenkiu tru long Media Council i kamapim dispela nait wantaim planti ol sponsa we i lukim na go pas long ol awot.
 Tenkiu tru long Nimo Kama wantaim tim bilong em i mekim bikpela wok tru. Bik wan i go long Nimo, wantaim klos bilong ol Saina em werim long awots nait. (Ni hao!)
 National na NBC i kolektim olgeta awot.

Traim long kilim Ombudsmen komisina...
 Dispela kain pasin i save kamap long ovasis o yumi save lukim long muvi tasol. Nau i wok long kamap long PNG. Pasin long kisim mani na go kilim man husat ol i makim i wok long kam isi isi insait long sositi bilong yumi. (Ol i kolim dispela kain wok, em Asasin o Hitman).
 Las wik yumi harim olsem komisina bilong Ombudsmen komisina klostu dai long han bilong ol dispela birua.
 Laki tru na na ol i abrus. Bilong wanem na yumi wok long traim na bagarapim ol man o meri husat i wok hat tru long stretim sindaun bilong yumi insait long kantri?
 I luk klia stret olsem wanpela bikman o meri husat i bin mekim rong pinis

na Ombudsmen i wok long mekim wok painimaut long em i mas salim ol hitman i go long pinisim laip bilong komisina. Em i laik rausim em na dispela wok painimaut bai stop.
 Ol polis mas wok strong long kisim ol dispela lain na kalabusim ol o hangamapim ol. (Death Sentence). Nau i gutpela taim long kot i mekim pablik eksekusen, kilim trabolman (husat i kilim narapela man o meri nating) long pablik we ol manmeri i ken lukim na pret. Mi gat bilip olsem dispela kain pasin bai daunim ol hevi olsem kilim man nating, reip, robri, na drag diling insait long PNG.Yu yet skelim....

Tokwin tasol...

TV GAID

3.00PM G AUSTRALIA v WEST INDIES
continues....
 6.00PM G NATIONAL EMTV NEWS
 6.30PM G AUSTRALIA v WEST INDIES
continues....
 7.30PM PG DOMESTIC BLITZ
 8.27PM EMTV TOK SAVE
 8.30PM M SUNDAY NIGHT MOVIE:
 POLAR EXPRESS - (2004) When a boy who begins to doubt the existence of Santa Claus takes an extraordinary train ride to the North Pole, he embarks on a journey of self-discovery that shows him that the wonder of life never fades for those who believe. Stars the voices of Tom Hanks, Eddie Deezen and Nona Gaye.
 8.27PM PG EMTV TOK SAVE
 10.30PM G HEALING PLACE TV
 11.00PM G NATIONAL EMTV NEWS REPLAY
 11.30PM Australia Network

MANDE DESEMBA 21, 2009

5.00AM G JOYCE MEYER Religious Program
 5.30AM G TODAY
 9.00AM G MALOLO CLUB

Holiday school specials - keep your kids entertained throughout the holiday season. Join Dora the Explorer on her many adventures; new gadgets on Cyberbark; The Saddle Club, Madigan's Quest, the fun and energetic Rock Eisteddfod competition, movies and lots more
 5.00PM G HOT SOURCE
 5.30PM G WHO WANTS TO BE A MILLIONAIRE - HOT SEAT
 5.55PM G CRIME STOPPERS
 6.00PM G NATIONAL EMTV NEWS
 6.30PM G A CURRENT AFFAIR
 7.00PM G TOK PIKSA

7.57PM EMTV TOKSAVE
 8.00PM PG AUSTRALIA'S FUNNIEST HOME VIDEOS - DAILY EDITION
 PASTOR JOSEPH KINGAL MINISTRIES: "The Lord Will Provide"
 9.00PM PG SURVIVOR: GABON
 10.00PM M GHOST WHISPERER
 11.00PM G NATIONAL EMTV NEWS REPLAY
 11.30PM Australia Network

TUNDE DESEMBA 22, 2009

5.00AM G JOYCE MEYER

Religious program
 TODAY
 9.00AM G MALOLO CLUB
 11.00AM EMTV PRIME TIME LINEUP
 2.59PM STATION RE-OPEN

KIDS KONA

3.00PM G THE BACKYARDIGANS
 3.30PM G HI-5
 4.00PM G THE PYRAMID
 4.30PM G THE SHAK
 4.57PM G EMTV TOK SAVE
 5.00PM G HOT SOURCE
 5.29PM G EMTV NEWS UPDATE
 5.30PM G WHO WANTS TO BE A MILLIONAIRE - HOT SEAT

6.00PM G NATIONAL EMTV NEWS
 6.30PM G A CURRENT AFFAIR
 6.57PM NEWS UPDATE IN TOK PISIN
 7.00PM G HAUS & HOME
 7.57PM EMTV TOK SAVE
 8.00PM PG AUSTRALIA'S FUNNIEST HOME VIDEOS - DAILY EDITION
 8.30PM PG THE APPRENTICE (new time)
 9.30PM M THE GIFT (final)
 10.00PM M GREY'S ANATOMY (New Series)
 11.00PM G EMTV NEWS REPLAY

TRINDE DESEMBA 23, 2009

5.00AM G JOYCE MEYER Religious Program
 5.30AM G TODAY
 11.00AM EMTV PRIME TIME LINE UP
 2.59PM STATION RE-OPEN

KIDS KONA

3.00PM G PINKIE PIXEL
 3.30PM G HI-5
 4.00PM G THE PYRAMID
 4.30PM G THE SHAK
 4.57PM G EMTV TOK SAVE
 5.00PM G HOT SOURCE
 5.29PM G EMTV NEWS UPDATE
 5.30PM G WHO WANTS TO BE A MILLIONAIRE - HOT SEAT -

5.55PM G CRIME STOPPERS
 6.57PM NEWS UPDATE IN TOK PISIN
 7.00PM G THE WORLD AROUND US
 SECRETS OF THE FIRST EMPEROR, PART I (2007) This thought-provoking biographical program illuminates the fascinating life of Qin Shi Huangdi. "The First Magnificent Emperor of Qin," a man considered both influential and controversial in Chinese history. The ancient emperor's long list of accom-

plishments includes, planning the construction of China's first Great Wall, building the world's largest burial site guarded by the famous Terracotta Army and amassing the most expansive empire of his time.
 7.27PM EMTV TOK SAVE
 8.00PM PG AUSTRALIA'S FUNNIEST HOME VIDEOS - DAILY EDITION
 8.30PM M RESCUE: SPECIAL OPS
 In this brand new Aussie drama, the members of Australia's most elite rescue unit rely on courage, mateship and extreme skills as they risk their lives to save others. Stars Peter Phelps, Libby Tanner, Les Hill, Gigi Edgley, Daniel Amalini, Katharine Hicks, Andrew Lees.
 9.00PM PG WEDNESDAY NIGHT MOVIE: THE ULTIMATE CHRISTMAS PRESENT (2000) Comedy/Family
 A girl steals a weather machine from Santa Claus, to make a snow day. The machine breaks, and causes an out of control snowstorm.
 Stars: Hallee Hirsh, Spencer Breslin, Hallie Todd.
 11.30PM G NATIONAL EMTV NEWS REPLAY -
 12.00MIDNITE Australia Network

BIHAIN long wanpela wik, mipela i kam bek long Lorengau na mi go bek long skul. Long dispela taim planti yangpela man meri bilong Manus i kisim wok wantaim Bougainville copper na ol i baim moto bilong papamama na salim i go bek long Manus. Planti lain i stat long baim moto na ronim long bikpela kanu bilong ol.

Lain bilong mi long Powai i gat tupela moto kanu, wanpela bilong Michael Pondros na narapela bilong Silih Tau. Bihain liklik Pondros i baim narapela moto na Chapok Chiwa i baim narapela, orait i gat fopela moto kanu i save go-kam long ples. Meri bilong Pondros em i save laikim mipela pikinini stret na mipela i save laik stap klostu long em, moa yet long taim moto kanu i laik ron i go long ples, mipela i save amamas tru long kalap na rausim wara aninit long kanu na holim bikpela string long hukim ol bikpela pis taim kanu i ron.

Long skul bilong mi long Lorengau Primari skul, mi lainim planti samting tru, olgeta pikinini man i laik kamap skaut so mi tu mi joinim boi skaut. Ol hetman bilong skaut muvmen i makim wanpela pikinini namel long mipela 'Vincent Pohei' bai go long skaut jambari long Sydney, Australia.

Man dispela i mekim olgeta pikinini man i laik joinim dispela muvmen. Long dispela taim yet wanpela tisa i singautim mipela i kam arasait long klasturum na harim radio, dispela em long wanpela avinun bilong Julai 1969 samting olsem 2 kilok. Mipela i no klia bikos olgeta radio program bilong lowa praimeri skul i save kamap namel long 9 na 11 kilok long moning. Na hia tisa i laikim bai mipela i harim radio long 2 kilok avinun. Mipela olgeta i kam arasait na sindaun raunim liklik radio na mipela i harim wol brotkas olsem Neil Armstrong wantaim tupela narapela Amerika i sindaun long mun na tupela bilong ol i sanap stret long graun bilong mun. Dispela i brukim stret kela bilong mipela! Tingting bilong mipela i sot olgeta, planti i tingting olsem wanem tru na man i sanap long mun?

Pastaim long dispela, mipela i harim olsem ol Amerika na Rasia i wok long resis long salim monki i go long mun na nau tru tumas mipela i harim olsem Neil Armstrong wantaim narapela man i sanap na wokobaut long mun!

Ol sister long Papatilai i save kam givim 'religious instruction' skul na sampela papamama wantaim ol komuniti lida i save kam visit na givim tok lukaut long mipela pikinini. Long dispela taim William Matpi bilong ples Bulihan-N'dranou i stori long mipela olsem ol lain Niugini Raifel Rejamen em ol kanaka polisman na wokboi bilong ol kiap bilong Australia i holim gan na pait olsem ami long sapatim ol Amerika na Australia long ronim ol Siapan long ol hap bilong Salamoua na bikples Niugini. William i soim mipela long medel bilong kwin em i bin kisim long dispela pait.

Mipela i namba wan ol lain pikinini long Manus 'Abel' wanpela man bilong Samarai i lainim mipela long pilai ragbi, i tru olgeta Manus i lain bilong pilai soka, dats na hoki, liklik lain mipela i pilai ragbi em Lamek Palaso, Paul Sevua, Peter Chalapan, Arther Liven na mi.

Bogenvil Kopa i kamap bikpela tru na planti man meri i wok long go kisim wok long dispela hap. Toktok bilong self gavman na independens tu i wok long kamap strong na Josephine Abajah wantaim lain Papua Besena bilong em i laik bruk lusim Papua Niugini, Mathias Yaliwan i singautim olgeta lain Sepik i bung long Maunten Turu long wetim kago, na planti samting i kamap long taim bilong mi we mi amamas tru long lainim.

Long skul mipela i lainim tu long mekim brik long miksim simen na wesan i kamap brik. Mi gat planti fren na mi no moa tingim ples bilong mi. Skul bilong mi long taun em i pulap long ol pikinini bilong ol

SENIS WANTAIM TAIM

Sindaun bilong famili long Lorengau

wokman bilong gavman. Long klas bilong mi i gat planti pikinini bilong ol polis na pablik sevens na tu bikpela lain West Papua i ronowei long gavaman bilong Indonesia na kamap long Manus long 1963 em pikinini bilong ol i skul wantaim mipela. Ol pikinini SDA long Nuwok tu i kam joinim mipela bikos skul bilong ol i pas so mipela kinkain mix pikinini i skul wantaim. Olgeta avinun taim mipela i wokobaut i go bek long haus, mipela kinkain lain stret i save wokobaut. Sampela i lain bilong wokim fani, sampela i lain bilong tok nogut, sampela i save bos tumas na kinkain lain mipela i save wokobaut. Mi yet mi no save, ating bikos long skin kala bilong mi i blek o ating mi bilong Powai, o ating mi niupela mangi long skul, ol narapela i save laik sigirap long pait wantaim mi oltaim. Sampela taim mipela i save pasim tok long skul yet olsem bai mipela i bung bihain long skul na tupela mangi i pait taim ol narapela i sanap raunim tupela na lukluk.

Lo bilong dispela kain pait em i simpel, taim tupela man i pait, wanpela i noken helpim tupela. Mipela olgeta i mas lukluk tasol na kontrolim bai wanpela bilong tupela i noken yusim stik o ston o samting i sap. Na tu tupela i noken holim - hilom skin na gras na klos bilong tupela, nogat. Tupela i mas sanap na pait tasol long han i go inap wanpela i kra, o wanpela i kisim blut o wanpela i givap orait mipela i save tok narapela i win. Wapos wanpela i kra, o i holim gras na skin bilong narapela orait mipela i save tok 'em i meri'. Planti taim dispela kain pait i save join yet i go inap wanpela yia olgeta. Bai mipela i statim long pait wantaim han, bihain bai mipela o salens long sut wantaim pikinini diwai long mambu, bihain bai mipela o salens long mabel na ski wantaim hap palang long bikpela si i bruk. Mipela i save wokim yet inap tupela lain wantaim i wan raun long olgeta salens.

Mi mekim gud fren wantaim planti pikinini bilong ol polisman na ol Wes Papua, sampela bilong ol nau i loya, dokta na polis. Kain olsem Elias Pangogo, Peter Ginis, Linu na Lilian Sikinapi, Bitu Suwai, Victor Nawiagir na planti ol narapela. Long dispela taim liklik brata bilong mi George i kam joinim mipela tu na em yet i gat ol frens bilong em olsem Peter Werei na Danny Wanma.

Gavman i rausim mipela long kompaun

Mipela papa na mama i stap yet long gavman kompaun na wanpela taim ol wokman bilong gavman i kam na tokim mipela olgeta long muvaut bai gavman i developim dispela eria bilong NBC radio Manus o sanap.

Mipela i lusim kompaun na go stap wantaim sista bilong papa long Talasia plantesin samting olsem 10 kilomita longwe long Lorengau taun. Anti bilong mi em i gutpela meri tru, em i save laikim stret mipela pikinini. Tupela man bilong em i gat bikpela lain kokonas long wanpela bikpela plantesin na i gat planti kaikai na wail abus long ol bus baksait long plantesin. Insait long plantesin i gat planti painapol na suga na anti i save givim olpela naip long mitupela George na tokim mitupela long pinisim laik long suga na painapol.

Mi man bilong hamarim suga na George i save pinisim laik long painapol tasol dispela amamas i no stap longtaim na mipela i muv gen. Sampela kros i bin kamap namel



long papa bilong mi na man bilong sista bilong em. Dispela i mekim mipela i muv aut long Talasia na go painim lain bilong Michael Pondros long taun. Haus bilong Pondros long taun em liklik tumas long mipela olgeta i stap. Pondros yet i gat 5-pela pikinini na tupela meri bilong em i lukautim tripela pikinini bilong brata bilong em i dai pinis. Antap long ol dispela lain, kasen bilong mi Paul Pondros na tupela lapun meri tu i stap wantaim ol. Liklik sista bilong meri bilong Pondros tu i stap wantaim ol na em i gat tupela pikinini na nau mipela 6-pela i kam joinim ol gen, man liklik haus i pulap stret na i nogat speis. I gat tupela rum na liklik ples bilong sindaun. Ples i save hat nogut tru na maski mipela i pasim fen, mipela i no save pilim olsem win i ron insait long haus.

Bikos long dispela kain sindaun, papa na mama i no larim mipela i stap longpela taim wantaim lain bilong Pondros. Papa i raun na painim ol lain wan famili bilong em na em i bungim wanpela sista bilong em bilong ples Tulu, long not kos bilong Manus.

Dispela meri Chunonou em i pikinini bilong ol lain tumbuna bilong mi i bringim pait long not kos na sindaun nau long ples Tulu. Ol lapun i dai pinis tasol ol pikinini i stap yet na ol i save go lukim ol namel long Tulu na Powai, ol i save wokobaut krosim Manus. Dispela anti bilong mi em i marit long ples bilong em yet na man bilong em i wok wantaim pablik woks na tupela i gat tupela pikinini meri Sokolo na Chinou N'Drepwehew. Ol i save slip long wanpela bow haus bihain long stua bilong Kim Fun & Sons. Mipela i save stap gut tru tasol tupela liklik asua i kamap na i mekim mi tingim bek ol bagarap mi save kisim long ples.

Pondros em i wanpela man i save laikim tru mipela pikinini na oltaim em i wokobaut liklik mipela olgeta i save pas-pas long skin bilong em na raun. Planti taim em i save givim 20 sens mani long mipela wanwan. Na sapos mipela i mekim sampela liklik wok olsem pulapim ol bek long suga na braun rais i kapsait long bak stoa em i save givim mipela mani na kisim mipela long kar i go raun. Sampela taim mipela i save go long nambis na rausim wara long has bilong kanu sapos ren i pundaun long nait.

Wanpela taim mipela olgeta i bihainim Pondros i go long nambis na em i traum trikrim mipela. Em i givim mani long ol pikinini meri na tokim ol long go baim kaikai long

stoa na go bek long haus. Mipela pikinini man, em i tokim mipela long rausim wara long kanu. Mipela liklik tasol i kam Selan, pikinini bilong em yet, Pol, pikinini bilong sista bilong em na kasen bilong mi, So-eh em pikinini bilong brata bilong em na mi yet. Olgeta taim sapos Pondros i laik raun em i save tokim Saleu Pondros long lukautim ol samting, tasol long dispela moning Saleu i gat wok long Manus hai skul na em i go. Mipela liklik tasol i bihainim Pondros i go long kanu. Mipela i rausim wara pinis nau Pondros i kam na tokim mipela, "dau-nim kanu, bai yumi go wasim moto long bikpela wara". Orait mipela i daunim kanu na Pondros yet i ronim moto na mipela i ron. Mipela i kirap nogut em i no putim poret bilong kanu long mas bilong wara Lorengau, nogat, em i putim het bilong kanu i go long bik solwara. Mipela i lusim bikples na kamap seim lain long Rara ailan nau em i tokim mipela long lusim ol string bihain long kanu na mipela i mekim.

Mipela i pulim tupela tangini (Spanish mackerel) namel long bikples na Hawai ailan. Pondros i putim stret het bilong kanu i makim namel bilong Hawai ailan na putim moto long ful spid inap mipela i kamap klostu long rip bilong ailan. Wantu em i stopim moto, apim na em i kalap i go long solwara na tokim mipela long 'rolim string'. Mipela i leit long rolim ol string.

Pondros yet i kalap wantaim glas bilong daiv, fising gan, na longpela rop na em i go pinis long painim trosel. Kanu i ron yet i go antap long rip na ol string i longpela yet bihain long kanu. Olgeta string i gat bikpela huk na sinka, na taim kanu i slo daun ol sinka i pulim string i go ananit na planim long ol ston ananit long rip. Ples o dip tumas long mipela i daiv na traum rausim huk. Em blu si yet na stik bilong susuim kanu i sot. Win tu i strong na i wok long tromoi kanu na mipela i mas hariap long pulim ol string i kam antap na traum long pul o susuim kanu bihainim Pondros.

Mipela i traum sanap, sindaun, go long het bilong kanu na kam bihain long kanu, holim string antap na bringim long traum mekim huk bai lus long ston, mipela i mekim kinkain samting antap long kanu. Pondros i swim i go longwe tru na em i sutim sampela pis, i putim long rop na i traum long singautim mipela long kam klostu na kisim rop pis.

Em i lukluk antap na i lukim mipela i go longwei yet long em, em i traum singaut tasol win i karim singaut bilong em i go longwe long mipela. Em i weivim han bilong em antap long solwara na singautim mipela long go klostu. Mipela i traum tasol ol huk i pas yet long ston na i holim pas kanu na mipela i nonap muvim kanu. Mipela i tingting planti sapos mipela i brukim string, Pondros bai kilim mipela stret.

Sampela hap bilong ol string mipela i pulim i kam antap long i paul-paul antap long kanu na mipela i wok long traum hariap long stretim bifo Pondros yet i kam na luk save long bagarap i kamap long string na em tu bai em i kilim mipela stret.

Sapos Saleu i stap ating bai em i save long wanem samting bilong mekim, tasol em i no stap na mipela liklik tumas na mipela i pilim kra i stret long tingim olsem nau tasol sapos Pondros i kam long kanu, bai em i kilim mipela. Lewa bilong mipela i pam-pam na tang bilong mipela i hangamap na maus i drai olgeta.

Mipela i tingting planti na poret i

kilim mipela stret. So-eh Pondros i tokim mipela long katim ol string na mipela i mekim na pulim ol hap string i kam antap long kanu. Pondros i tromoi han long mipela i mas muvim kanu i go klostu. Mipela i traum pul tasol win i strong na wok long tromoi kanu yet. Mipela i traum yusim stik tasol olgeta stik i sot. Mi kalap long wanpela sait bilong kanu na So-eh i kalap long narapela sait na mitupela i traum long swin insait long solwara na pusim kanu tasol kanu i bikpela tumas na strong bilong mitupela i nonap. Pol i traum long stretim ol string i paul-paul insait long kanu na Selan i sidaun tasol long bed bilong kanu olsem bos.

Pondros i luk save olsem sampela samting i rong so em i wok long sutim pis na swim isi-isi i kam bek long mipela. Mitupela So-eh i taitim bun stret long pulim kanu long solwara taim win i wok long taitim yet mipela long narapela sait. Taim mitupela i lukim Pondros i kamap klostu long kanu nau mitupela i kalap bek long kanu.

Pondros i kam olgeta na holim sait bilong kanu na i kalap i kam antap. Em i kamap pas long Pol na em i slekim rait han bilong em long sait bilong het bilong Pol, han bilong em i no pas yet long skin bilong Pol na Pol i hetwin pinis long solwara. Em i kam antap long kanu na i tromoi lek long Selan, Selan i sut het i go pas abrusim bed bilong kanu na hetwin long 'atai' bilong kanu. Pol taim i kalap em i sink i go ananit tru long solwara na taim em i kam antap long pulim win em i no-laik kam isi, em i ting kandre bilong em bai pilai long em so em i slekim wanpela kra i "eeeeeeh" "Pasim maus yu swain" Pondros bikmaus antap long em, wantu Pol i pasim maus na swin-swim tasol i stap. Pondros i go olgeta long het bilong kanu na givim wan han long So-eh na So-eh i kalap het i go pas long solwara. Pondros i muv i kam long ples mi sanap long em, em i no kamap yet na kwiktam mi kalap long solwara. Mipela fopela pikinini i wok long swin long dip solwara, Pondros i no wari, em i daunim moto, i pulim rop, moto i stat na em i take off ronowei long mipela.

Mipela i pret nau, em ples bilong ol sak na mipela bai i mekim wanem nau? Mipela i kra tasol na i lukim kanu i lusim mipela na i go longwe tru inap kanu i go liklik olgeta na mipela i no moa lukim.

Mipela i traum swim i go long Hawai ailan na sekim sapos sampela lain i nap helpim mipela. Pituluh na Dilou ailan i gat man tasol tupela wntaim i stap longwei na sak bai i nonap isi long mipela.

Mipela i swim isi-isi i go long nambis na mipela i kirap nogut long wanpela kanu i spit i kam long daireksen bilong mipela. Kanu i kam klostu na mipela i lukim Pondros i sanap antap long kanu na kaikai sampela samting em i holim long han. Moto i ful spid yet na Pondros i singaut, "mi go nau, husat i laik kam, hariap nau" Mipela i resis i go na kalap long kanu, mipela olgeta i kalap pinis nau Pondros i opim wanpela beg na tokim mipela long kaikai ol krim bisket insait.

Em i tokim mipela "yupela i no-laik bung na pulim moto bai yupela i kisim kanu i kam long mi taim mi singaut?" So-eh i traum toktok tasol Pondros i hatim mipela yet, "string na olgeta samting em i no impoten yumi ken senisim ol, laif bilong yupela em i impoten moa". "Bihain sapos dispela kain samting i kamap long yupela, yupela i noken wari long ol samting antap long kanu, yupela i mas sevim laif bilong yupela". Mipela i harim tasol na go bek long Lorengau.



NEM: Sambe Dua
 KRISMAS: 19 (man)
 ADRES: P.O Box 394, Popondetta
 SAVE LAIKIM: Pilai soka, basketbol, ritim buk, harim musik, na raitim

NEM: Joel Kukari
 KRISMAS: 17 (man)
 ADRES: Assembly of God Church, P.O Box 338, Bialla, West New Britain Province
 SAVE LAIKIM: Go lotu, pilai soka, ragbi tas, harim musik na ritim Baibel

NEM: Mathew Miller
 KRISMAS: 23 (man)
 ADRES: P.O Box 220, South Sea Evangelical Church, Vanimo, Sandaun province
 SAVE LAIKIM: Pilai musik, pilai soka, na volibol, swim, na go lotu

NEM: Stanford Anzie
 KRISMAS: 20 (man)
 ADRESS: Kanabea Catholic Mission, P.O Box 220, Kerema, Gulf Province
 SAVE LAIKIM: Harim musik, pilai soka, basketbal, mekim pani, raitim pas na mekim pren

NEM: Jenice Merinere
 KRISMAS: 19 (meri)
 ADRES: C/- John Wamane, P.O Box 674, Wewak
 SAVE LAIKIM: Lukim TV, stori, go lotu, mekim pani na raitim pas.

NEM: Kama Hasu
 KRISMAS: 18 (meri)
 ADRES: Oil Palm Industry Cooperation, P.O Box 592, Kimbe, West New Britain Province
 SAVE LAIKIM: Pilai spot, makim pani, ritim buk, harim musik na lukim TV

NEM: Paulus Laumu.
 KRISMAS: 37 (man)
 ADRES: P.O Box 635, Buka, ARB
 SAVE LAIKIM: Raitim pas, mekim pani, wok na harim musik.

NEM: Elvis Woni
 KRISMAS: 23 (man)
 ADRES: C/- Trevor Maiyu, Post PNG Ltd, Vanimo, Sandaun Province
 SAVE LAIKIM: Raitim pas, mekim pani, harim musik, pilai soka, stori na lukim TV

NEM: Jockey Sam
 KRISMAS: 19 (man)
 ADRES: Omati West TFI, P.O Box 184, Port Moresby, NCD
 SAVE LAIKIM: Raitim pas, harim musik, mekim pren, lukim TV, pilai ragbi, na voli-bol.

NEM: Sai Libi
 KRISMAS: 20 (man)
 ADRES: Ela Motors, P.O Box 3182, Lae, Morobe Province
 SAVE LAIKIM: Pilai Sports, raitim pas, lukim TV na mekim pren

Raun wantaim Kanage olgeta wik

Enimol Kila

KANAGE wantaim tripela poroman bilong em baim sampela bia na i go dring long haus bilong wanpela wantok long Madang taun. Ol i kilim skin i go na spak no gut tru. Long samting olsem 8 kilok long nait ol kalap long ka bilong Kanage na tekof long Not Kos rot. Kanage draivim ka i go bamim dispela bulumakau. Em nau ka bilong ol i stap. Kanage wantaim tripela poroman bilong em i belhat na kalap kam ausait na stat long boksen wantaim bulumakau. Bihain long samting olsem 10 minit, tripela poroman bilong Kanage i sotwin na i no moa boksing wantaim dispela bulumakau. Kanage em i wanpela strongpela man stret boi pait wantaim bulumakau go na kilim dispela bulumakau. Em nau ol i kalap long ka na tekof. Long narapela de Kanage i pilim olsem olgeta bung bilong em i mau na skin pen olgeta.

Mangi Saut
 MADANG

Husat i papa?

WANPELA meri Yauro i go stap long Australia i go na kam bek long ples bilong em. Taim em i kam bek long ples, em i gat bel. Em nau ol bik man long ples i bung na sindaun toktok long painim aut husat i givim em bel. Taim ol bikman i askim meri yah, em i no toktok. Long wanem meri yah i no save long tok ples na tok pisin, em save long tok inglis tasol. Ol i askim i go nogat na Kanage i kirap na askim meri ya olsem, "Who bel yu?" Taim ol bikman i harim Kanage i tok olsem, ol i holim pasim bel bilong ol na sindaun i stap. Mekim na meri Yauro ya sem pipia stret.

Gwen Toroks
 MADANG

Yu laki man ya

KANAGE tokim liklik pikinini bilong em long go baim mutrus bilong em na pikinini tok em i les. Em nau Kanage belhat na kirap paitim em. Meri bilong Kanage harim pikinini kra i na em i siksti kam ausait long haus na askim Kanage. "Kela bun bun, yu pitim nating pikinini long wanem?" Kanage kirap na tokim meri bilong em olsem. "Mama yu noken askim mi dispela kwestem, samting mi wok hat na dispela pikinini kamap, olsem na sapos em i bikhet, mi gat olgeta rait long paitim na skulim em." Em nau meri bilong em kros na kirap tokim em. "Dispela wok bilong wok hat na kamapim ol pikinini yu save tumas. Tasol long wokabout i go na baim mutrus yu pilim skin les." Meri bilong em i tok olsem na mekim Kanage i belhat na kros nogut tru, na i kirap tokim meri bilong em. "Gutpela tru na yu kam maritim mi, na yu stap gut olsem na yu hambak. Ating sapos papa antap i no wokim mi, bai yu painim man i go nogat na bai yu go poromanim wanpela dok man na karim dispela yau pas pikinini ol i save kolim hapkas dok na sip.

Friedson Kipas
 BULOLO, LAE.

Toktok gut ya!

KANAGE i bilong ples Butibam long Lae Siti, na em i maritim wanpela meri Okapa na ol stap long ples bilong meri bilong em longpela taim tru. Wanpela taim tupela i kalap long PMV bas na i laik go long Lae. Bas i go kamap long Makam veli na meri bilong Kanage i askim em, "Ngan bron mi, yu ting orsem wanem Rai i kam krostu pinis o nogat?" Kanage bekim na tok, "yu kolim gut, i no Rai-Rei." Ol narapela pasindia long bas harim olsem na kirap tokim Kanage, yu tu kolim gut, i no Rei nem bilong ples em Lae." Kanage harim olsem na spet long windo bilong glas.

Norbert Berere Stoneth
 MADANG



Em faul bodi meri ya

TAIM Kanage i liklik boi yet, papa bilong em i save kisim em i go raun long Ela Bis long Mosbi. Wanpela taim em wantaim papa i go raun i stap na lukim wanpela geligeli man (ol man husat i save luk olsem ol meri) i wokabout i kam. Dispela man tu i bilong Hanuabada na em i stailim stret wokabout bilong em. Boi sakim as na wokabout olsem wanpela pato stret. Taim Kanage i lukim olsem, em i ting olsem wanpela meri na askim papa bilong em Yendefande, "Hei papa, dispela meri i luk narakain stret ya?" em i no gat susu olsem bilong mama. Ating em i mas gat sik ya." Kwik taim tru papa bilong em i sarapim em na tok, "Pasim maus bilong yu, yu liklik tumas na yu no save. Dispela kain meri ol i save kolim ol faul bodi. Ol tewel bilong Papua i wokim ol krange long taim bilong ren stret, olsem na em i nogat susu. Ol tewel i wokim em long haphap samting bilong ol man, meri na enimol bilong bikbus. Dispela kain meri i no save pispis na pekpek." Kanage i harim dispela na bilipim stret papa bilong em.

Dodo na Chester Kila
 Wan Mail-LAE.

Planti Refrens musik tumas

WANPELA Fraide nait Kanage pilai laki wantaim ol wantok bilong em long Sandaun kem long Madang. Long wankain taim tu i gat danis long Raikos kem. Kanage pilai laki go na harim olsem ol musik tasol i wok long kamap long danis. Kanage harim dispela ol wankain

musik i go na belhat nogut tru. Em nau em kirap na tok "Yupela, ol Raikos ya wok long pilaim tasol ol referens musik bilong ol, na ai bilong mi laik silip nau." Ol wantok bilong em harim olsem na kaikaim graun. Bikos Kanage i laik tok feveret na em i abrus na tok referens.

George Mango
 Sandaun Kem-WEWAK.

Sas nating

KANAGE raun long Eriku long Lae i stap na em i harim sampela man i singaut olsem "Oyo.....ol ari yet." Dispela em taim ol i lukim ol yangpela meri Buang i pulim longpela lain na raun i stap. Kanage harim olsem na kros olgeta, bikos em i ting ol i paul na kolim nem bilong ples bilong em long Ali ailan long Wes Sipik Provins. Boi go tasol na askim wanpela man i sanap poromanim Papindo stua i stap. "Brata, ol lain ya i kolim Ari, em long Wes Sipik o?" Em nau man ya i go na askim ol Buang. Wanpela bilong ol i kam tasol na tokim Kanage, "Oroman, ating yu mas rongrong ya. Ari em i kantri sait bilong ol Buang ya." Kanage harim olsem na sem wantaim na tekov.

Awa Giame & Erika Nunu
 Wan Mail- LAE.

Ol skwat!
 Salim ol gutpela Kanage tok pilai i kam long:
 Kanage Tok Pilai
 P.O. Box 1982,
 Boroko, NCD
 Port Moresby.

Painim Tok!

Raitim daun wanem pani samting yu ting i gutpela insait long babol long poto...

BAI YU WINIM WANPELA WANTOK T-SIOT O LAPLAP!

Salim i kam long: Pani Toktok Kompetisen, P.O. Box 1982, Boroko, NCD Port Moresby - Sapos mipela i lukim wanem samting yu raitim i gutpela bai yu winim wanpela Wantok T-Siot o laplap na bai mipela i putim i go insait long pepa.

Nem:..... Adres:.....

Krismas bilong yu:..... Telepon:.....

Yu baim Wantok niuspapa long wanem hap:.....

(Rot, Maket, Stua).....

Katim long hia.....

NASFAN lukautim pikinini bilong yu taim yu dai

TRIPLE yia i go pinis NASFAN o Nesenel Supanuesen Fan i kamapim wanpela hap bilong Laik Bilong Man (Will) wantaim ol memba bilong en.

Dispela em bilong mekim ol i no ken bagarapim supanuesen seavings bilong ol, Rod Mitchell, NASFAN sif eksekyutiv opisa i tok.

Em i tok supanuesen em i wanpela na bikpela seavings bilong ol manmeri.

"Sapos ol i yusim long ol arapela samting dispela bai bagarapim ol tru.

"Aninit long Supanuesen Ekt skelim bilong supanuesen seavings i bihainim tasol SF2 Nominesen na Dikleresen Fom (SF2) taim memba i dai. "SF2 Fom em pepa i soim Laik Bilong Man we i tokim NASFAN long husat seavings bai mas go long en bikos man o meri i dai pinis.

"Dispela i no go wantaim long ol samting olsem graun, haus, ka, mani long benk na ol arapela samting i kos wantaim bikpela mani," Mista Mitchell i tok.

Taim wanpela memba i dai, skelim bilong seavings bilong en i mas bihainim laik em i putim long pepa.

Dispela laik i stap aninit long Wil

Probet na Edministresen Ekt CH 291 na dispela em Opis bilong Pablik Kureta i lukautim o wanpela loya ol i makim.

I nogat narapela rot ol bai yusim long kisim mani.

Long lukluk long ausait, laik bilong ol memba long kamapim dispela Laik i no bikpela.

Long save long as bilong kain laik ol memba i gat long en moa long ol i gat long ol arapela sevis olsem SMS Teks Bol prodak na Eda Supa NASFAN i painim olsem:

OL manmeri i tingting planti long kamapim dispela kain Laik long wanem ol i ting i moa gutpela long ol i toktok wantaim ol memba bilong ol na i no putim long pepa. Nogut ol i tok krangki long ol yet;

I GAT tingting olsem kamapim dispela Laik bai kos tu; na

I NOGAT wanpela laip bihain long taim bilong dai. Em i laip bilong tude tasol na i no bilong bagarapim wanpela.

"Dai i no samting mipela i save tingting tumas long en long laip.

"Tingting bilong plen long wanem

samting ol arapela memba bilong mipela bai mekim bihain long mipela dai i no save stap tumas.

"Long dispela as planti bilong ol samting i save go long Opis bilong Pablik Kureta bikos dispela ol man o meri i no kamapim wanpela Laik bai tokaut long husat bai kisim samting bilong ol taim ol i dai," Mitchell i tok.

Na narapela samting em olsem Opis bilong Pablik Kureta i pulap long ol pasin nogut bilong paulim na stilim samting.

Taim kain pasin i stap dispela bai mekim laip i hat long ol memba bilong famili bilong man o meri i dai i kisim samting bilong en.

Long dispela as NASFAN i save painim hat long helpim famili bilong man.

"Mipela long NASFAN i askim ol memba bilong mipela long ol i mas kamapim Laik we dispela i ken helpim ol long ol i no ken bungim ol hevi bilong kot.

"Wantaim ol Memba i baim ol haus, baim ka na mekim invesmen, nau em taim bilong skelim tingting na mekim gutpela disisen," Mista Mitchell i tok.



KISIM WAS: Rod Mitchell, NASFAN Sif Eksekyutiv Opisa.

NASFAN lukluk Ol haus NASFAN bai mekim bek long yia

MASKI long kamap bilong bikpela hevi bilong mani long wol, yia 2009 i bin gutpela long Papua Niugini ikonomi na NASFAN.

Long ol arapela hap bilong wol olsem Amerika, Yurop, Saipan na Australia.

Saina i abrusim dispela hevi bikos gros domestic prodak (GDP) bilong en i stap antap long 8 pesen. GDP bilong PNG i bin stap long 5 pesen.

Bikos long dispela PNG i abrusim dispela hevi. Na nau wantaim tok orait bilong kamap bilong tupela likuifaid netersal ges (LNG) projek olgeta samting bai luk orait long kantri.

Long sait bilong invesmen planti kantri bai laik invesmen long PNG.

Dispela em bikos:

GAVMAN i tok orait long kamap bilong tupela LNG projek;

KINA bai kisim strong na pait agensim strong bilong ol arapela kantri olsem Australia dola na Amerika dola na

WANTAIM kamap bilong LNG projek moa mani bai kam insait na gavman bai yusim dispela mani long mekim wok bilong en. Em i no ken kisim dinau long wok gen.

Long helpim ol memba i strongim seavings win mani long seving bilong ol bai go antap na planti mani bai stap insait long kantri bihain long kamap bilong LNG projek.

Tasol long bikpela piksa ikonomi bilong PNG i no strong yet.

Ikonomi bilong kantri bai strong taim gavman i yusim win mani em i kisim long LNG projek na na kamapim ol rot, bris, haus sik, skul, komyunikesen, pawa, wara na ol arapela sevis.

Na Gavman i mas lukim olsem ol manmeri i mekim wok bisnis na i salim samting bilong ol long maket. Ol i mas gat wok na i mekim wok," Mitchell i tok.

NASFAN i amamas long tokaut long tupela nupela komesel wok we em bai mekim long 2010.

Wanpela haus em bai kolim Bell Tawa na narapela em Jeffery Haus

Dispela tupela haus NASFAN i tok long mekim bai kamap long we Burns Philp stoa na Tribal Den i bin stap long em.

Long Bell Tawa Fan bai sanapim tripela (3) stori haus we bai gat balkoni tu i stap.

Fan i tok em bai skruim yet tingting ol man i gat long wokim dispela haus we Burns Philp i stap long en.

Hornbrooks NGI Limited bai mekim dispela haus. Hornbrooks i gat 21 pesen

sea long NASFAN.

Fan i tok Bell Tawa bai pinis long Disemba 2010.

Dispela haus bai kisim 2,000 skwua mita bilong graun na bai gat tripela floa wantaim.

Dispela tripela floa bai kisim spes bilong 650 skuea mita.

Na we Tribal Den klab haus i stap long em, fan i tok em bai kolim dispela haus Jeffery Haus.

Jeffery bikos Fan i tok em i bin wanpela long seving memba bilong Fan na wanpela biknem bisnis lida long kantri.

Jeffery wanpela taim i presiden bilong Employas Federesen bilong PNG.

"Dispela haus bai narakain long ol arapela haus bikos em bai gat piksa bilong Mekeo man i singsing i stap."

"Dispela piksa em atis man Daniel Waswas bai droim."

"Kamap bilong dispela haus i bilong blokim ol kar bai ol i no ken go antap long ples bilong ol manmeri long wokabaut," Mitchell i tok.

Dispela haus em Hornibrooks ken bai sanapim.

Na dispela haus bai pinis long Disemba 2010.

Bai gat narapela toksave bilong 8,000 skuea mita developmen long Burns Philp.

BSP kamap bikpela benking grup long Pasifik

Paul Zuvani i raitim

BENK Saut Pasifik i tokaut nau olsem olgeta rot bilong em long baim Koloniel Grup long Fiji long Komonwel Benk bilong Australia i pinis.

Wantaim ol samting em i gat inap long mani mak bilong K9 Bilion na 3000 wokmanmeri benk nau i bikpela benk long Pasifik.

BSP tu i wanpela kapitlias operating benk long Pasifik wantaim ol asset i stap long mak bilong 20 pesen.

Save bilong ol manmeri long benk i kamap bikpela na olsem em bai isi long mekim wok bisnis.

Menesing dairekta bilong benk lan Clyne i tok mak bilong benk long ol samting em i gat i bikpela tru long (Saut) Pasi-

fik rijen.

Na long PNG em i bikpela tru na winim mak bilong narapela tupela komesel benk em ANZ na Westpac taim wanpela i bungim tupela wantaim.

Na long Fiji we em i namba tu bikpela ikonomi long rijen BSP i winim mak bilong ol benk i stap long Fiji.

BSP i mekim wok long Niue na i kisim ples bilong Nesenel Benk long Solomon Ailan.

"Tingting bilong BSP long sevim ol kastoma bilong em i bikpela na olsem em redi long helpim ol kastoma.?"

"Em i mekim wok inap long 50 yia long Pasifik rijen," Clyne i tok.

Em i tok nem bilong BSP em ol wokman bai mekim ples klia long Fiji long narapela 12-pela mun.

NASFAN baim Boroma pigeri

NASFAN i bai 25 pesen sea bilong Boroma Pigeri bihain long Novemba, 2009 bod miting bilong en.

Boroma Pigeri i stap long 14 Mail, Sogeri Rot bipo long go long Hugo Kenari.

Dispela pigeri i save gat olsem 230 pik na i save mekim enamel kaikai tu long mil bilong en.

Dispela pigeri i gat ol join patna wantaim K18 milien integrated laipstok projek long Lihir Ailan we i gat ol samting olsem pik, kakaruk na kiau bilong kakaruk.

Em i gat prosesing mil tu bilong mekim kaikai bilong ol pik na kakaruk wantaim.

Disisen bilong fan long baim Boroma Pigeri i kamap bihain long em laik:

OPIM mak bilong prodakesen inap long 500 pik we em i laik kamapim olsem 650 pik pas go aut long wan wan mun; MEKIM bikpela mil ol fektori we i mekim kaikai bilong ol pik; KAMAPIM wanpela abatua na prosesing fesiliti; na LAIK mekim moa ol abus bilong pik long wanem nau yet em i save kamapim 50 pesen bilong ol pike m i save kisim long dispela mil. Fan i ting olsem wantaim kamap bilong LNG projek laik bilong kaikai pik mit bai go antap na olsem fan i mas hapim mak bilong kamapim pik mit.

Ol bisnis lukim strong bilong Sola Pawa

OL BISNIS long PNG nau i wok luksave long strong bilong Sola Pawa Dinau projek we ANZ Benk na Nationwide Microbank i bin lonsim long kirap bilong mun Desemba.

Dispela Sola Pawa Dinau projek i opim rot bilong wan wan ol manmeri, ol liklik bisnismenmeri na ol man nating long baim ol riniuabel eneji teknoloji o masin we i ken mekim pawa long liklik mani tru, olsem sola pawa wantaim ol dinau i no save sasim bikipela mani.

Dispela program bai strongim mani i stap bilong riniuabel eneji long PNG, strongim salim bilong ol lain i save salim sola, na opim rot bilong ol liklik manmeri long mekim wok bisnis bilong ol long ples.

Long Papua Niugini, i gat 4.5 milian manmeri i nogat rot long kisim pawa, na ol i save tromoi K240 milian olgeta yia long baim karasin bilong lam.

Ol arapela eneji rot olsem sola pawa, haitro pawa, na wel piul bilong kokonas i gat strong insait long PNG.

Em bikos em i sip moa na i isi long yusim long ol ples i stap longwe long taun na ples i gat pawa. Na tu, em i no dia olsem ol samting olsem disel bilong jenereta na karasin bilong lam.

Bipo, ol kain rot bilong mekim pawa olsem sola pawa i bin dia tumas long ol manmeri long ples i baim.

Nau, wantaim dispela program ol manmeri i ken kisim dinau long benk long baim ol sola pawa kit.

Man husat i lukautim ESCO long Madang na i save salim ol dispela sola pawa yunit, Warren Kakat, i tok "Mipela i wok kisim planti askim long ol manmeri husat i laikim dispela teknoloji, tasol ol i no inap long bungim inap mani long baim. Nau, i gat dispela rot i stap long ol i baim, na mipela i lukim bikipela senis tru."

Ol lain i wok salim ol sola pawa yunit, nau long PNG i wok long kisim gupela kaikai bilong dispela nupela Sola Pawa Dinau skim.

Ol dispela lain stua i save givim ol kastoma long kwotesen bilong ol sola pawa masin, ol i save kisim dispela kwotesen i go long benk, na kisim lon o dinau long baim ol masin.

Projek Menesa bilong Sola Pawa Dinau projek, Matt Carr, i tok "Ol pipel bilong Papua Niugini i save tromoi bikipela mani long karasin. Dispela projek bai kisim ol dispela mani ol i save yusim long karasin, na helpim ol long baim mobeta sastenabel eneji teknoloji olsem sola pawa."

Tony Benedict bilong Sola Eneji Sistem long Madang em i wanpela stua husat i save salim ol sola eneji i bin aplai long kisim wanpela Sola Pawa Lon o dinau wantaim ANZ bilong bisnis bilong em. Em i tok kliia olsem, "Aninit long Sola Pawa Lons projek, mi ken kisim inap mani long baim moa samting bilong bisnis bilong mi long wanpela hap pekej tasol we i no dia tumas."

"Mipela i wok lukim ol manmeri long ples i yusim sola pawa long kirapim ol liklik bisnis olsem mekim mani long sasim ol mobail fon," Mista Carr i tok. "Dispela projek em i wanpela gupela samting tru. Mani i stap bilong strongim ol teknoloji olsem sola pawa, na i stap long laik bilong wan wan manmeri, ol NGO grup, ol mama grup o ol bisnismenmeri long luksave long strong bilong en na yusim."

Strongim save long distrik level

GUTPELA bilong givim ol agrikalsa sevis long distrik na lokol level gavman level i sindaun long mak bilong save long givim ol dispela sevis.

Nau i gat moa luksave long developmen insait long ol distrik na wod level, i gat moa askim long ol manmeri i gat save, trening, infrastraksa, mani na ol arapela samting.

Wanpela rurel developmen opisa i wok insait long Buang LLG long Bulolo distrik bilong Morobe provins, Tuwut Kole, i mekim dispela toktok long graduesen seremoni bilong siksipela opisa na 14 fama.

Dispela tupela wik trening program bilong ol trena i lukim skul long lukautim memek, pato, bulmakau na sipsip. Em Memba bilong Bulolo, Sam Basil i givim mani long kamapim, na ol i mekim long Dipatmen bilong Agrikalsa na Laipstok Risos na Developmen Senta long Erap.

Mista Kole i tok trening em i gupela long ol manmeri i kisim na ol i redi long givim dispela save i go long ol arapela agrikalsa wokmanmeri na ol fama. Ol dispela kain kos i helpim ol lain i wok na stap insait long ol rurel komyniti.

"Mipela i lukluk i go het long karimaut ol wok program long strongim wok agrikalsa long ol LLG wod, tasol mipela i nidim sapat bilong yupela," em i tok.



WINIM SKUL: Ol fama wantaim ol setifiket ol i kisim bihain long ol kisim skul long strongim save bilong ol long wok fama long distrik level. Olisanap wantaim memba bilong Bulolo, Sam Basil.

School Fee Loan

BACK TO SCHOOL.

Let BSP assist you with a timely SCHOOL FEE LOAN

BSP KNOWS THE IMPORTANCE OF EDUCATION. TO ASSIST WITH YOUR SCHOOL FEE PAYMENTS & SCHOOL FEE LOANS, BSP IS PROVIDING **EXTRA BANKING DAYS ON SATURDAYS** AT ALL 35 BRANCHES

SATURDAY OPENING DAYS 2010

- 16 JAN
- 23 JAN
- 30 JAN
- 06 FEB
- 13 FEB
- 20 FEB
- 27 FEB

BSP

your bank

www.bsp.com.pg



OL PROPOSAL LONG KISIM MANI-HELPIM ANINIT LONG FISERIS PROJEK DIVELOPMEN FAN (PDF)

Nesinol Fiseris Atoriti (NFA) i putimaut invitesin igo long ol saveman na meri bilong pulim pis long solwara na ol lain inlen fres-wara fis famas na ol koporet sosaiti husat i stap insait long wok fiseris developmen long givim ol proposal long Projek Dvelopmen Fan (PDF) bilong 2010 mani-helpim.

Ol mani- helpim insait long PDF fan i kam long tupela (2) rot.

Nambawan hap bilong dispela ol mani-helpim i kam long US Multilateral Fisheris Treaty namel long ol Pasifik Ailan Kantri na Yunaited Stet ov Amerika. Dispela i save larim ol sip we i soim fleg bilong USA i ken ron insait long ol solwara ol i kolim Eksklusiv Ekonomik Zons bilong Pasifik Ailans kantri na Forum Fiseris Ejensi long Honiara, Solomon Ailan. Dispela fan ol i kolim Projek Dvelopmen Fan (PDF).

Namba-tu rot we mani i kam long en em Nesenol Fiseris Atoriti bilong Projek Dvelopmen Fan (PDF) long givim mani-helpim i go long ol projek aninit long Smol na Midium Skeil Bisnis Entaprais.

Long mekim gut wok na ol fans i ken go stret long ol gutpela fiseris projek, ol i kamapim wanpela PDF Stiaring komiti long menesim Papua Niugini PDF/fan. Dispela komiti bai i lukim olsem ol fans i stap long gutpela menesmen na i ples-klia na ol wok i stap moa klostu long en.

Kategori Wan

A) KOMYUNITI FISERIS SAPOT PROGRAM

Ol Komyuniti Fiseris Progem, em ol dispela we bikpela lukluk bilong en em long ol bikpela komyuniti i ken kisim helpim. Dispela ino bilong kisim win-mani o profit.

Husat inap long aplai?

Ol komyuniti-bes fiseris asosesin o koporetiv

Wanem wok bilong mani?

Long baim ol samting bilong wok fiseris olsem samting bilong huk, ais-bokis, ol samting bilong yusim long maket na ol samting bilong yusim long ofis wok.

Antap mani-mak long wanpela projek

Twenti Tausen Kina (K20,000.00)

Namba bilong ol Projek we bai kisim Luksave

Ten-pela (10) projek bai kisim mani helpim

Kategori Tu

B) Smol na Midium Skeil Entaprais Sapot

Ol fans we bai go long ol Smol na Midium Skeil Entaprais we bai sapotim na givim sampela liklik mani igo long SME insait long Fiseris Sekta long baim ol kapital o samting long strongim wok operesin bilong bisnis.

Husat inap long aplai?

- 100 % PNG man o meri husat i papa bilong ol SME Kampani
- SME i wok long mekim wok operesin bilong en insait long Fiseris Sekta insait long las 3-pela yia
- SME wantaim 50% hap mani long helpim long mekim wanem wok long kamap

Antap mani mak long wanpela projek

- Fifti tausen Kina (K50,000.00)

Jenerol Kondisen

- Olgeta samting mekim wok yu bai mas i gat invois i kam long lain yu laik baim long ol
- Soim tru hamas mani yu givim sapos em SME sapot projek
- Soim tru gutpela wok na strong long bringim saplai na redim ol ripot bilong projek we mani helpim igo long en.
- Ol lain husat i kisim tok-orait pinis bai kisim 28-de mak long yusim dispela ol mani-helpim
- Ol peimen bilong ol samting bai PDF Stiaring Komiti i salim igo stet long saplaia.
- Ol fans ino inap peim kos bilong operesin, bekim dinau o lon o sevisim ol dinau.
- Ol dispela aplikesin pepa we ino gat luksave bai igo bek long ol lain husat i aplai.
- Strepela aplikesin bilong ol proposal i mas gat ol dispela samting:

Olgeta Project Identification Document (PID) na Projek Fomulesin Dokumen mas i gat wanpela bisnis plen. Askim ol provinsal fiseris ofis o NFA long ol dispela samting.

Olgeta Proposal mas soim ples klia olsem "PDF Steering Committee" na ol i mas go stret long Nesinol Fiseris Atoriti, P O BOX 2016, Port Moresby, National Capital District, PNG

Wanem ol askim long PDF proposal i mas go long **Ms Waleta Wararu**, Eksekutiv Menesa, Provinsal Sapot na Industri Dvelopmen long telefon: 3090483

Olgeta sabmisen bai kamap long ofis bipo long Disemba 30th 2009

Authorized by



SYLVESTER POKAJAM
Menesing Dairekta



OL MD TOKTOK: Menesing Dairekta bilong Kongo Kopi Limitet, Jerry kapka (lephan) i toktok wantaim Menesing Dairekta bilong Nesenel Dvelopmen Benk, Richard Marru. Mista Marru i bin kamap na lukluk raun long ol nupela dvelopmen we i wok long kamap long Kongo Kopi Fektori long Suave, Simbu provins.

'Marru i lonsim kredit skim long Okapa'

Sape Metta i raitim

OL LOKOL kopi na agrikalsa fama na ol arapela bisnis manmeri long Okapa distrik long Isten Hailens bai i ken kisim gutpela sevis na helpim nau long haus dua bilong ol. Dispela bai kamap long wanem Nesenel Dvelopmen Benk (NDB) i kirapim pinis na lonsim wanpela kredit skim projek long dispela distrik long Fraide wik i go pinis.

Na Menesing Dairekta bilong NDB, Richard Marru, husat i bin kamap na opiset olsem ges ov ona long dispela lonsing long Okapa Distrik Edministresen senta i tok, benk i kirapim dispela kredit skim long Okapa long wanem i gat luksave olsem ol lokol kopi fama long dispela eria i save wok hat tru long produsim ol kopi.

"Olsem na NDB i makim Okapa distrik husat em i kamap olsem namba wan distrik long provins na tu long Hailans rijen long kisim dispela kredit skim sevis", Mista Marru i tok.

Em i tok i gat luksave olsem Okapa em i save kamapim planti tausen tan bilong kopi long wanwan yia we em i go pas long provins na rijen tu long mekim dispela wok. Mista Marru i tok as

tingting bilong bringim dispela skim i go long Okapa em long helpim ol kopi fama na ol arapela agrikalsa fama na ol liklik bisnis lain manmeri we ol i ken kisim long ol dinau mani long dispela skim na i go het long helpim ol yet long ol gutpela wok bilong ol long distrik.

Long sem taim tu Mista Marru i bin presentim tupela ten nain (29 - pela) sek we total mani mak inap olsem K224,000 i go long wan tausen fama husat bai i ken yusim dispela ol mani long surikim i go het na ol fam wok na bisnis bilong ol long Okapa.

Long taim em i presentim ol sek Mista Marru i tok amamas long nesenel gavman husat i luksave long wok bilong NDB na i givim K20 milien so em i ken go het long helpim na sapotim ol liklik fama na bisnis manmeri.

Na long baset bilong 2010 NDB i aloketim pinis K27 milien mani mak em nesenel gavman i tok orait long en, na Mista Marru i tok promis na mekim komitmen olsem K2 milien long dispela mani em bai givim i go long sapotim dispela kredit skim long Okapa.

Em i tok amamas tu olsem NDB i wok long helpim planti ol lokol fama

husat ol i kisim strong long dispela benk na i go het long mekim wok bilong ol i kamap bikpela olsem long Tambul distrik long Westen Hailens na Kokopo long Is Nu Briten Provins.


Bipo long kamap na opiset long lonsing bilong dispela kredit skim long Okapa, Mista Marru i bin go na lukluk raun tu long Kongo Kopi Fektori long Suave distrik long Simbu provins.

Dispela fektori i bin kisim K6.6 milien i kam long NDB long surikim ol wok infrastraksa bilong fektori. Nau yet fektori i kamap bikpela tru na Mista Marru i amamas olsem mani em NDB i givim em i no lus nating. Na emi tok amamas long Menesing Dairekta bilong Kongo Kopi Ltd Jerry Kapka long putim dispela mani i go long gutpela yus.

"Mi amamas olsem wok bilong dispela mani i karim kaikai olsem na long taim olgeta wok bilong fektori i pinis long Mas 2010 - na wanpela mun bihain long Epril bai yumi singautim Praim Minista Gren Sif Se Michael Somare long kamap na opisel openim dispela ol nupela fesiliti bilong Kongo Kopi Fektori," Mista Marru i tok.



STRAIK: Wanpela pilaia bilong Eastern Stars i traim goli bilong Tukoko University Lae long NSL gem bilong ol long Mosbi las wik Sarere. Tupela i dro 1-1. *POTO: Andrew Molen.*



TRENING: Lee Garap (rait han) i mekim ol Muay Thai trening bilong em long Life Gym long Mosbi. *POTO: Andrew Molen.*



KAM BEK: Ol ripot i tok olsem bipo wol sempion fomuila wan (Formula 1) draiva, Michael Schumacher, 41 krismas i laik kam bek na resis gen.



TRABOL: Australian Wallaby beks, Kurtley Beal bai sanap long kot long mun i kam long sas bilong paitim narapela. Ol ripot i tok em i paitim kasen susa bilong em.

bemobile

PAINIM BAL RESIS!

Putim mak (X) long wanem hap yu ting bal i stap long en na salim i kam long:

**Bemobile
PAINIM BAL RESIS
WANTOK NIUSPEPA
P.O. Box 1982 Boroko,
NCD
Port Moresby.**

Bai yu gat sans long winim **sampela gutpela prais** i kam long Bemobile na **K100** i kam long Wantok Niuspepa long wanwan mun.

Lo bilong resis:
Ol wokmanmeri bilong Wantok Niuspepa no inap pilai long dispela resis. Wantok Niuspepa tasol bai i makim wina. Nogat potokopi.
Taim bilong dro em bihain long foapela wik bai ol i droim wina na nupela pilai bai i stat gen. Nem bilong wina bai kamaut long pepa neks wik bihain long dro.

Nem:.....Krismas.....

Atres:.....

Phone namba:.....

Yu baim pepa long we?

Long strit/ rot/ stua:.....

Katim na salim i kam

Serevi helpim gut PNG

2009 EM yia Papua Niugini i kisim bipo biknem ragbi yunion sevens pilaia bilong Fiji, Waisele Serevi kam long helpim nesenel tim bilong ol.

Helpim bilong Serevi strongim tim na ol i go long planti ol sevens resis long Pasifik na wok we ol i soim gutpela pilai tru.

Em i yia tu we PNG pilaia, Karo Kauna bai tingim olsem taim em i makim kantri bilong em long ragbi yunion.

Ol i makim em namba wan taim tru long go pilai long Intanesenel ragbi bod [International Rugby Board (IRB)] sevens resis long Pape'ete, Tahiti.

"Mi save olsem ol i kisim mi taim ol lain long PNG ragbi opis i ringim mi long Mande," Kauna i tok.

6-pela pilaia long dispela skwati i bin go long wanpela gem long Cook Ailans na ol i makim ol gen long go pilai long Tahiti.

Kauna wantaim ol arapela wanpilai bilong em i go insait long trening wantaim Serevi wantaim helpim bilong bipo PNG Pukpuk kepten, William Rikis.

"Mipela i save trening tripela taim insait long wanpela de inap wan wik olgeta," Kauna i tok.

Tasol bipo long ol i go long Tahiti, ol i go pilai wanpela gem long intane-

senel sevens resis long Gol Kos (Gold Coast), Australia long Oktoba 12 i go long 14 aninit long nem PNG MRDC Menjals.

Ol i pilai long plet fainol bilong namba tri ples tasol ol i lainim planti samting long dispela intanesenel tonamen.

Bihain long dispela ol i go long Tahiti long pilai agensim Niue, Vanuatu, Tahiti, Samoa, Tonga na Cook ailans long tonamen we i ron long Novemba 12 i go long 14.

PNG i lusim namba wan gem bilong ol agensim Niue 22-0 tasol ol i kam bek long winim Vanuatu 24-0 na Tahiti 43-0.

Bihain ol i lus Samoa 24-19 na Tonga 12-7.

PNG bekim dinau bilong ol long Cook Ailans husat i bin winim ol long plet fainol bilong liklik (min) Pasifik gems long Ogas.

PNG i go winim tu Niue long fainol long kisim namba tri ples na tu long kisim ples long IRB sevens tonamen long Wellington, Nu Silan (New Zealand) long 2010.

Laspela taim PNG sevens tim i bin go long Wellington Sevens em long 2006.

Ol i no bin pilai gut tumas bihain long dispela taim olsem na ol i bin winim sans long go bek pilai.

Tasol nau wantaim helpim bilong



PNG TIM: Soim kala long pilai bilong ol.

Serevi olsem kosa na ol nupela yangpela pilaia olsem Kauna, tim i gat sans long soim kala bilong kantri gen long dispela tonamen.

"Dispela namba tri ples win bilong tim long Tahiti em i soim hatwok na bilip bilong ol tim menesmen, ol pilaia na tu helpim bilong papa bilong yumi long heven," Kauna i tok.

Laspela tonamen bilong ol Pukpuks i bin kamap long Sri Lanka intanesel sevens long Novemba 28 na 29 long Colombo, Sri Lanka. Long hap ol i bungim ol biknem ragbi kantri olsem Fiji, Nu Silan, Australia, Saut Afrika (South Africa) na Samoa.

PNG i winim namba wan gem bilong ol agensim Nu Silan 33-19 tasol i lusim ol arapela pilai bilong ol agensim Samoa (29-7), S/Afrika (19-7), Australia (19-12) na Fiji (15-0).

Karo i bilip dispela ol pilai soim olsem PNG nap long pilai agensim ol arapela bikpela kantri bilong dispela spot sapos em i salim tim i go long

moa intanesenel tonamen.

"Ol pilaia bai kisim moa ekspiens na save long pilai long intanesenel level," em i tok.

Tasol gutpela wok bilong Serevi helpim tu tim na i soim olsem PNG mas yusim mani bilong em gut long kisim kain ol gutpela kosa na trenna i kam long helpim tim bilong en.

Wankain trening i mas kamap tu long PNG kosa na ofisol bai level bilong gem insait long kantri go antap.

"Mi laik tok amamas na tenkyu tu long yupela ol manmeri bilong PNG long sapot na helpim bilong yupela long tim taim mipela i go pilai.

"Ol femili, poro na wanpilai bilong mi long gutpela sapot yupela i givim mi taim mi laik go wantaim tim long pilai ovasis," Kauna i tok.

"Mi tok tenkyu tu long God long lukaut bilong em na tu long dispela save na strong em i givim long pilai dispela spot," em i tok.

Bellamy bai Blues kosa gen

CRAIG Bellamy bai stap wanpela moa yia gen olsem kosa bilong Nu Saut Wels [New South Wales (NSW)] long 2010.

NSW ragbi lig i tokaut long Trinde las wik olsem Bellamy bai go pas long tim gen maski em i lusim tupela Stet ov Orisin (State Of Origin) taitol pinis.

"Em i nambawan kosa insait long gem nau na las tupela tonamen em mipela i lus long liklik poin tasol," bosman bilong NSWRL, Geoff Carr i tok long ol nius ripot.

Em i tok ol i bilip olsem

ol gutpela pilaia olsem Josh na Brett Morris na Michael Jennings i kamap na i ken helpim long winim ol gem.

Carr i tok tu olsem sampela taim ol selekta i no save makim gut ol pilaia tasol ol i luksave long ol gutpela pilaia olsem Jar-ryd Hayne na Anthony Wtmough.

Em i bilip dispela kain ol pilaia bai givim strong long ol Blues long 2010.

"Sampela ol gutpela pilaia ino bin stap insait long tim bilong em long sampela gem olsem na ol i lus tasol mipela i bilip em i ken win," Carr i tok.

"Em i winim tupela gren fainol na i kisim tim bilong em i go long 4-pela gren fainol insait long 4-pela yia stret.

"I nogat narapela man insait long gem i gat kain rekot olsem Craig," Carr i tok.

NSW ino bin winim wanpela taitol stat long 2005 i kam we i lukim Kwinslen [Queensland (Qld)] i holim dispela taitol 4-pela yia olgeta.

Carr i tok tu olsem ol pilaia i save olsem Bellamy em i rait man bilong dispela wok na ol bai amamas long lukim em i kam bek.



STAP YET: Bellamy bai kosim Blues gen long 2010.

Garap laik helpim Nandex

Andrew Molen i raitim

PROFESENOL Muay Thai paitman bilong Papua Niugini, Lee "Flash" Garap i laik helpim Stanley Nandex long redim wanpela tim bilong 2012 Arafura gems long Australia.

Garap i tok em i laik helpim Nandex na PNG Kikboksing Asosiesen (PNGKBA) sapos ol i laik salim wanpela tim i go long dispela pilai.

Dispela em bilong wanem Arafura gems i gat Muay Thai tasol na i nogat kikboksing resis.

Kikboksing i kamap namba wan taim tru insait long PNG gems long NCD long Novemba dispela yia na Nandex i lukluk long salim wanpela tim i go long Arafura.

Em i bilip tu olsem kikboksing bai go insait long Pasifik gems na Olimpik gems tu liklik taim.



MISTAP: Garap i redi long helpim ol kikboksia long lainim Muay Thai.

Garap em i wanpela profesenol Muay Thai paitman tasol insait long PNG nau na i laik yusim save na ekspiriens bilong

em long helpim PNG tim. "Mi bai amamas tasol long givim helpim bilong mi sapos Nandex na PNGKBA o ol kikboksia i

laikim mi long helpim ol," Garap i tok.

Long PNG gems, Nandex i tokim ol kikboksia olsem em bai kisim wanpela save man bilong Muay Thai kam long skulim ol paitman na tu ol ofisol long ol stail bilong pilai na tu ol lo bilong dispela spot.

Na Garap i laik helpim tu long dispela wok.

"Bikpela tingting bilong mi em long helpim kantri.

"Yumi ken pilai kain kain spot tasol taim nesanel o provinsel tim i laikim helpim, yumi mas amamas tasol long givim helpim," Garap i tok.

"Mi save amamas long makim kantri na sapos mi

no profesenol o sapos sampela lo bilong tonamen i tok orait, em bai mi joinim tim long go pait tu," em i tok.

Muay Thai em i olsem kikboksing tasol long Muay Thai, ol i save pait tu wantaim skru bilong han na skru bilong lek.

Garap i kam bek long Australia long Disemba 7 bihain long em i stap trening long Australia tripela wik wetim wanpela pait.

Dispela pait ino bin kamap na em i kam bek.

Garap bai go bek long narapela pait long hap long Febuari, 2010.

Em i pait Muay Thai inap tupela pinis na i stap insait long wanpela wol taitol pait tu we em i bin lus long Bruce "The Preacher" McVee long 2008.

Nau em i laik yusim dispela save na ekspiriens bilong em long helpim ol arapela paitman long dispela spot na stail bilong pait.



BIKNEM: Sapos NRL i no nap long holim Thurston bai em i go long narapela spot.

Thurston kos tumas

KOS bilong Jonathan Thurston i bikpela tumas na em wok long lukluk long pilai ragbi union.

I gat bilip olsem Thurston i wok long toktok wantaim ol ragbi union klap long Siapan (Japan) na Frens (France) na tu supra lig long Inglen (England).

Eksekutiv Dairekta bilong Not Kwinslen (North Queensland) Cowboys, Peter Parr i tok Thurston em i wanpela bikpela hap bilong tim bilong ol.

"Nem bilong klap bilong mipela i strong na Thurston em i givim bikpela helpim long apim nem bilong klap na ples bilong mipela," Parr i tok.

Saveman long James Cook Yunivesiti, Dokta Peter Horton, i tok Thurston em i biknem pilai tru insait long gem na kos bilong baim em i antap tru.

"I nogat mani mak i nap long kain gutpela pilaia olsem," Dokta Horton i tok.

Menesa bilong Thurston, Sam Ayoub, i tok em i no inap long makim tru prais bilong dispela hap bek.

"Prais bilong ol pilaia i save kamap taim ol klap i makim amamas ol inap long baim olsem na mi no inap long givim mak bilong em," Ayoub i tok.

Bod siaman bilong Cowboys, Laurence Lancini i tok wankain.

"Mipela i traim hat tru long holim em i stap tasol mipela inap long baim em inap long mani mak stret," Lancini tok.

Sapos Cowboys na ol arapela tim long NRL i no strong na holim Thurston i stap bek bai ol i lusim wanpela bikpela pilaia bilong ol i go long ragbi union o supra lig.

SPOT RAUN

WANTAIM

Scott Vavine, ML



Ol spots long Krismas taim

KRISMAS taim i kamap klostu nau na mi save planti ol ples insait long kantri wok long redi long kamapim sampela ol pilai bilong ol long dispela taim.

Planti save yusim spots long dispela taim olsem wanpela rot bilong bungim ol manmeri long dispela ples na komyuniti wantaim.

Na dispela em i wanpela gutpela rot long bungim olgeta manmeri wantaim long amamas na luksave long ol yet.

Em i gutpela long olgeta i amamas long bung na lukim pilai tasol i gat ol manmeri stap husat i mas wokhat long kamapim na ronim dispela ol pilai.

Wanpela samting long helpim ol em ol i ken askim ol yet, "Bai yumi stat long we?"

Namba wan samting long lukluk long dispela askim em long painim aut long wanem as tru yu laik kamapim dispela bung o pilai.

Taim yu luksave long dispela em bai helpim yu long makim wanwan samting yu laik mekim o kamapim long dispela pilai o bung.

Raitim dispela ol astingting bilong yu i go daun we yu ken wok long traim na bungim.

Taim yu stretim dispela i stap, narapela askim yu ken tingting long en tu em, "Yu makim dispela pilai o bung long pulim wanem kain ol manmeri?"

I gat kain kain manmeri stap long wanwan komyuniti olsem na yu mas tingim olgeta taim yu mekim wok bilong yu.

Dispela bai helpim yu long redim ol samting inap long mak o level bilong ol manmeri yu makim long en.

Taim yu luksave pinis long ol astingting na ol lain husat yu laik makim dispela ol pilai na bung long ol orait narapela wok nau em long traim na redim olgeta samting insait long liklik taim tasol.

Yu mas painim wanpela man o meri husat i gat gutpela save na ekspiriens long helpim yu.

Dispela bai helpim yu long mekim ol samting hariap na redi long taim stret.

Ol wok olsem mekim baset, redim ol pilai bilong opim na pasim bilong bung, sekyuriti, medikol sait, ol prais, resis, ol risal bilong gem na ol arapela samting.

Tingim olsem, yu mas i gat gutpela save na ekspiriens long mekim dispela kain wok bai yu noken paol nabaut.

Ol manmeri tu bai ken bilip long yu na helpim yu long mekim ol samting hariap na tu ronim gut ol pilai na bung.

Bikpela astingting em yu mas traim long kisim inap samting na ol gutpela manmeri long helpim yu ronim dispela kain ol pilai.

Sapos yu nogat dispela ol samting bai yu bungim planti hevi taim yu laik ronim pilai bilong yu.

LAE BISCUIT CO.



WANTOK

S P O T S

LAE BISCUIT CO.



Isu 1845

Wan wik: Fonde, Disemba 17 - 23, 2009.



PWT/BE25C-141209



100 Pigs to be WON!

Buy any **bemobile** phone and make a call in December to go into the draw to **WIN** a live pig for Christmas!

Winim wanpela pik long Krismas.

bemobile toktok moa

Bolt em man nating

Powell tok em i ken lus



USAIN Bolt em i man nating na ol arapela etlit i ken winim em, wanples bilong em bilong Jamaica, Asafa Powell i tok.

Bolt em i stap nau olsem nambawan spitman long ron insait long 100 (9.58 sekens) na 200 mita (19.19 sekens) resis.

Powell i bin holim rekot bilong 100

mita resis bipo Bolt i rausim long em long 2008.

Powell i tok Bolt em i man nating na i ken lus tu.

"Olgeta man i ken win na lus tasol nau yet Usain i wok long ron spit tru insait long 100 mita olsem na yu mas wok hat moa sapos yu laik winim em.

"Man husat i redi na i stap gut long dispela de bilong resis i ken win, nogat man i nap win olgeta taim na ino inap lus," Powell i tokim sampela sumatin bilong Singapore las wik long ol nius ripot.

"Olgeta man i ken lus," em i tok. Powell, 27 krismas i tokim ol

nusmanmeri tu olsem em i wok long makim long winim Bolt nau.

"Mi gat bilip long mi yet olsem mi nap long mekim," em i tok.

Bolt, 23 krismas i bin brukim rekot bilong em yet long Ogas dispela yia long wol sempionsip long Berlin wantaim nupela taim long 9.58 sekens.

Tyson Gay bilong Amerika i kam namba tu ples wantaim 9.71 sekens long kisim silva na Powell i kisim brons wantaim 9.84 sekens.



SPITMAN: Bolt i holim rekot tasol Powell i tok em i ken lus.

Johnston's Pharmacies



For First Aid Kits, Red8 Body Bulk Protein Supplements, Thompson Vitamins, Bandages, Strapping Tape, Mouth Guards.

All Sport and First Aid requirements.



P.O.Box 1066 Boroko. Phone 325 3185. Fax 325 0190. Email sales@johnstons.com.pg."